



REPUBLIKA E SHQIPËRISË  
KËSHILLI I EMËRIMEVE NË DREJTËSI

**VENDIM**

**Nr. 51, datë 07.11.2022**

**PËR LEJIMIN E KANDIDATURËS SË ZOTIT GENTI IBRAHIMI NË VENDIN  
VAKANT PËR GJYQTAR NË GJYKATËN KUSHTETUESE, SHPALLUR NGA  
KUVENDI I SHQIPËRSIË NË DATËN 16.01.2022**

Këshilli i Emërimeve në Drejtësi, i përbërë nga :

Marsida Xhaferllari	Zëvendëskryetare
Sandër Simoni	Anëtar zëvendësues
Elsa Toska	Anëtare relatore
Thoma Jano	Anëtar zëvendësues
Edlira Petri	Anëtare
Enton Dhimitri	Anëtar
Etien Kapo	Anëtar
Klodiana Veizi	Anëtare
Genti Xholi	Anëtar zëvendësues

Asistuar nga sekretare Ermelinda Kadiu,

Me praninë e përfaqësuesit të Avokatit të Popullit, znj. Erinda Ballanca, në cilësinë vëzhguesit të përhershëm të mbledhjeve dhe veprimtarisë së Këshillit të Emërimeve në Drejtësi,

Me praninë e përfaqësuesve të autorizuar të subjekteve të ftuara sipas ligjit për pjesëmarrje, në cilësinë e vëzhguesve, në mbledhjen e Këshillit:

-z. Alket Jaupi, përfaqësues i autorizuar i Presidentit të Republikës së Shqipërisë,  
-znj. Mimoza Arbi, përfaqësuese e autorizuar e Kryetarit të Kuvendit,

në mbledhjen e datës 07.11.2022, mori në shqyrtim çështjen që i përket:

**KANDIDATI:** Genti Ibrahim

**OBJEKTI:** Kandidim për gjyqtar në Gjykatën Kushtetuese në vendin vakant të shpallur nga Kuvendi i Shqipërisë në datë 16.01.2022.

*Kësbilli i Emërimeve në Drejtësi 2022*

Adresa Postare : GJYKATA ELARTË, Rruga Ibrahim Rugova, Ndërtesa nr. 20, Kodi Postar 1001, Tiranë, Shqipëri

Adresa Elektronike : [info@ked.gov.al](mailto:info@ked.gov.al) Numra telefonikë : +355 4 2257302

## KËSHILLI I EMËRIMEVE NË DREJTËSI

Pasi dëgjoji relatimin e anëtares së Këshillit, znj. Klodiana Veizi, mendimin e paraqitur nga përfaqësuesi i Avokatit të Popullit, znj. Erinda Ballanca, në cilësinë e vëzhgueses së përhershme në mbledhjen dhe veprimtarinë e Këshillit të Emërimeve në Drejtësi, lidhur me mënyrën e procedimit të ndjekur për verifikimin e kandidatit, si dhe si bisedoi çështjen në tërësi,

### VËREN:

#### I. Rrethanat e çështjes

1. Në zbatim të nenit 125 të Kushtetutës dhe të pikës 1 të nenit 7/c të Ligjit nr. 8577/2000 *“Për organizimin dhe funksionimin e Gjykatës Kushtetuese në Republikën e Shqipërisë”* (në vijim ligji nr. 8577/2000), Kuvendi i Republikës së Shqipërisë, në datën 16.01.2022, ka shpallur hapjen e procedurës së aplikimeve për plotësimin e vendit vakant, vakancë e plotë, të krijuar në Gjykatën Kushtetuese pas mbarimit të mandatit të gjyqtarit z. Altin Binaj.
2. Në përfundim të procedurës së aplikimeve për shprehjen e interesit për kandidim, Kuvendi i Republikës së Shqipërisë ka dërguar Këshillit të Emërimeve në Drejtësi aplikimet e kandidatëve të shoqëruara me dokumentet e paraqitura prej tyre për përmbushjen e kushteve dhe kriterëve ligjore të përcaktuara në nenin 7/a të ligjit nr. 8577/2000, ku rezulton kandidati, edhe z. Genti Ibrahimimi.
3. Në datën 18.02.2022, KED-ja realizoi edhe procedurën e shortit manual për përzgjedhjen e anëtarit relator dhe të këshilltarit ligjor për këtë vakancë, sipas nenit 228 të ligjit nr. 115/2016 *“Për organet e qeverisjes së sistemit të drejtësisë”*, i ndryshuar, pikës 4 të vendimit nr. 4 datë 11.03.2019 *“Për procedurën e verifikimit të kandidatëve për pozicionet vakante në Gjykatën Kushtetuese dhe të Inspektorit të Lartë të Drejtësisë”*, i ndryshuar (në vijim vendimi nr. 4/2019 i KED) dhe vendimit të KED-së nr. 2 datë 15.02.2019 *“Për procedurën e shortit të caktimit të relatorëve për pozicionet vakante në çdo institucion”*, i ndryshuar. Me anë të kësaj procedure, relatore për këtë vakancë u përzgjedh anëtarja znj. Klodiana Veizi, ndërsa këshilltar ligjor, z. Besmir Rrapaj.
4. Në datën 21.02.2022, kandidati Genti Ibrahimimi u njoftua me shkrim, në rrugë elektronike për t’u paraqitur brenda tre ditëve në zyrën e posaçme të KED-së për tërheqjen e formularëve standard dhe të udhëzimeve të nevojshme për vijimin e procedurës së verifikimit të kandidimit të tij. Ky njoftim u krye në zbatim të pikës 22 të vendimit nr. 4/2019 të KED-së, në adresën e postës elektronike të deklaruar nga vetë kandidati Genti Ibrahimimi dhe kopje e email-it është administruar në dosjen e kandidimit.
5. Në datë 01.03.2022, kandidati Genti Ibrahimimi, është njoftuar përsëri me email, për arsyen e mosparaqitjes, brenda afatit ligjor. Në datë 02.03.2022 kandidati, me email, ka deklaruar se *“Duke qenë se unë kam kandiduar edhe për vakancën e shpallur nga Presidenti i Republikës,*

#### *Këshilli i Emërimeve në Drejtësi 2022*

Adresa Postare : GJYKATA E LARTË, Rruga Ibrahim Rugova, Ndërtesa nr. 20, Kodi Postar 1001, Tiranë, Shqipëri.  
Adresa Elektronike : [info@ked.gov.al](mailto:info@ked.gov.al) Numra telefonikë : +355 4 2257302

*mendova se autorizimet që kam firmosur në atë rast ishin të vlefshme edhe për pozicionin e Kuvendit. Mbetem i interesuar të vijoj garën edhe për vakancën e shpallur nga Kuvendi".*  
Në këto kushte arsyeja e mos paraqitjes si më sipër është vlerësuar dhe i është lënë afat kandidatit për të tërhequr formularët dhe autorizimet përkatëse dhe po në datë 02.03.2022, kandidati Genti Ibrahimimi, u paraqit pranë KED-së, duke u pajisur me formularët standard të deklarimit dhe autorizimet e duhura, të cilat në datë 03.03.2022 i paraqiti të plotësuar pranë zyrës së posaçme të Këshillit në Gjykatën e Lartë.

## **II. Verifikimi i kushteve dhe kriterëve kushtetuese dhe ligjore**

### ***i. Shtetësisë dhe i zotësisë të plotë për të vepruar***

6. Neni 7/a pika 1 shkronja "a" e ligjit nr. 8577/2000 parashikon si kusht kandidimi shtetësinë shqiptare dhe zotësinë e plotë për të vepruar.

7. Kandidati Genti Ibrahimimi rezulton me shtetësi shqiptare, të konfirmuar nga karta e identitetit me numër personal **H00320090S**. Përgjatë procedurës së verifikimit nuk ka rezultuar asnjë e dhënë që kësaj kandidate t'i jetë hequr apo t'i jetë kufizuar zotësia për të vepruar.

### ***ii. Arsimi***

8. Neni 125 pika 4 e Kushtetutës dhe neni 7/a pika 1 shkronja "b" e ligjit nr. 8577/2000 parashikojnë si kusht kandidimi "arsimin e lartë juridik, Diplomë e Nivelit të Dytë".

9. Kandidati Genti Ibrahimimi ka përfunduar studimet dhe është diplomuar në vitin 1988-1992 si "*Jurist*", në Universiteti i Tiranës, Fakulteti Publik Juridik. Në zbatim të ligjit nr. 80/2015 "Për Arsimin e Lartë dhe Kërkimin Shkencor në Institucionet e Arsimi të Lartë në Republikën e Shqipërisë" ky lloj arsimimi kualifikohet si arsim i lartë juridik, Diplomë e Nivelit të Dytë.

### ***iii. Përvoja profesionale***

10. Neni 125, pika 4 i Kushtetutës dhe neni 7/a pika 2 e ligjit nr. 8577/2000 parashikojnë si kusht kandidimi përvojën e punës prej të paktën prej 15 vjet në detyrën e gjyqtarit, prokurorit, avokatit, profesorit ose lektorit të së drejtës, nëpunësit të nivelit të lartë në administratën publike, me një veprimtari të spikatur në fushën e të drejtës kushtetuese, të drejtave të njeriut ose në sfera të tjera të së drejtës, si dhe të jetë vlerësuar për aftësi të profesionale dhe integritetin etik e moral.

11. Nga dokumentacioni i paraqitur rezulton se kandidati Genti Ibrahimimi ka ushtruar veprimtari të profesionale të mëposhtme:

*a) Anëtar (Kryetar), për periudhën 19.10.2018 - e në vijim, pranë Këshillit të Lartë të Prokurorisë.*

*b) Këshilltar/Drejtues Ekzekutiv, për periudhën Qershor 1999 – Dhjetor 2018, pranë Instituti i Studimeve Publike & Ligjore.*

### ***Kësbilli i Emërimeve në Drejtësi 2022***

Adresa Postare: *GJYKATA E LARTË, Rruga Ibrahim Rugova, Ndërtesa nr. 20, Kodi Postar 1001, Tiranë, Shqipëri.*

Adresa Elektronike : *info@ked.gov.al* Numra telefonikë : *+355 4 2257302*

- c) Pedagog i Jashtëm, për periudhën Janar 2015 – e në vijim, pranë Shkollës së Magjistraturës.
- ç) Anëtar, për periudhën Shtator 20007 – Dhjetor 2013, pranë Këshillit Kombëtar të Radio Televizionit (sot AMA).
- d) Këshilltar/Drejtor Kabineti, për periudhën Nëntor 1997 – Maj 1999, pranë Ministri i Shtetit për Reformën Legjislative dhe Marrëdhëniet me Kuvendin.
- dh) Këshilltar/Administrator, për periudhën Maj 1995 – Tetor 1997, pranë Fondacioni Shoqëria e hapur për Shqipërinë (Soros).
- e) Pedagog, për periudhën Janar 1994 – Tetor 1996, pranë Fakulteti i Drejtësisë, Universiteti i Tiranës.

12. Këshilli i Emërimeve në Drejtësi në datën 24.06.2022, ka njoftuar kandidatin Genti Ibrahim i mbi të drejtën e tij për të paraqitur, me shkrim dhe dokumentacionin përkatës, brenda 5 ditësh, në lidhje me faktin nëse përvoja profesionale 15 vjeçare e deklaruar prej tij plotësohet në kuptim të nenin 7/a, pika 2 e Ligjit nr. 8577/2000 "Për organizimin dhe funksionimin e Gjykatës Kushtetuese

13. Kandidati Genti Ibrahim, në datën 28.06.2022, në rrugë elektronike ka paraqitur pretendimet e tij për Këshillin, duke dhënë shpjegimet e tij me shkrim lidhur me gjetjet e njoftuara të procedurës së verifikimit për sa i përket vjetërsisë në profesion. Në thelb, në shpjegimet e tij, kandidati parashtroi se:

"- Më poshtë do të gjeni shpjegimet e mia në lidhje me plotësimin e kushtit ligjor të 15 viteve si "jurist i nivelit të lartë" në kuptim të nenit 7/a, pika 2, shkronja "a" të ligjit "Për organizimin dhe funksionimin e Gjykatës Kushtetuese të Republikës së Shqipërisë":

"a) 3 vite, 2 muaj e 14 ditë në Këshillin e Lartë të Prokurorisë (vërtetimet përkatëse për fillimin dhe mbarimin e detyrës janë dorëzuar në KED);

b) 6 vite, 2 muaj e 2 ditë në Këshillin Kombëtar të Radios e Televizionit (vërtetimi përkatës dorëzuar në KED);

c) 1 vit, 8 muaj e 15 ditë në Këshillin e Ministrave (vërtetimi përkatës dorëzuar në KED);

d) 3 vite, 6 muaj në Fakultetin e Drejtësisë të Universitetit të Tiranës (vërtetimi përkatës dorëzuar në KED);

dh) 7 vite në Shkollën e Magjistraturës (vërtetimi përkatës dorëzuar në KED)".

- Totali i viteve të punës si "jurist i nivelit të lartë" sipas nenit 7/a, pika 2, shkronja "a" të ligjit "Për organizimin dhe funksionimin e Gjykatës Kushtetuese të Republikës së Shqipërisë" është 21 vite e 7 muaj e 0 ditë

- Përvoja ime e punës është në të vërtetë shumë më e madhe se kaq (21 vite e 7 muaj), pasi gjatë kohës së punësimit pranë ISPL, unë jam angazhuar në mënyrë kontraktore nga institucione të rëndësishme kombëtare dhe ndërkombëtare për kryerjen e detyrave të rëndësishme ligjore që kërkonin një nivel të lartë ekspertize.

- Kështu, në harkun kohor janar 2015 - korrik 2016 (1 vit e 6 muaj), (Instituti për Studime Publike dhe Ligjore), unë jam angazhuar nga Kuvendi si ekspert i nivelit të lartë për hartimin e ndryshimeve në Kushtetutë dhe të ligjeve kryesore post kushtetuese në fushën e drejtësisë

- Po kështu ndër vite kam kryer punë të rëndësishme, për institucione ndërkombëtare si Bashkimi Evropian, Këshilli i Evropës, OSBE, OKB, OECD, USAID, DANIDA, SIDA dhe shumë kompani ndërkombëtare. Për sa më sipër jam i gatshëm të vendos në dispozicionin Tuaj dhe të KED të gjithë dokumentacionin e nevojshëm

- Në këto kushte, duke pasur parasysh se çdo ligj duhet të interpretohet jo thjesht duke iu referuar tekstit, por në dritën e qëllimeve të tij, do të kërkoja nga Ju dhe nga KED që ne

#### **Këshilli i Emërimeve në Drejtësi 2022**

Adresa Postare: GJYKATA E LARTË, Rruga Ibrahim Rugova, Ndërtesa nr. 20, Kodi Postar 1001, Tiranë, Shqipëri.

Adresa Elektronike : info@ked.gov.al Numra telefonikë : +355 4 2257302

*llogaritjen e viteve të mia të punës të përfshihet e gjithë periudha e punësimit nga janari 1994 deri më sot, pra 29 vite”.*

#### **iv. VERIFIKIMI I FUNKSIONEVE POLITIKE**

14. Neni 125, pika 5 i Kushtetutës dhe neni 7/a pika 1 shkronja “c” i ligjit nr. 8577/2000 parashikojnë si kusht kandidimi që kandidati të mos ketë ushtruar funksione politike në administratën publike dhe të mos ketë mbajtur pozicione drejtuese në parti politike gjatë dhjetë viteve të fundit nga data e kandidimit.

15. Kandidati ka kandiduar në datën 14.02.2022. Për pasojë, verifikimi është realizuar për periudhën 10 vjeçare “14.02.2012 –14.02.2022”.

16. Sa i takon *pozicioneve drejtuese në partitë politike*, KED në data 23.03.2022 dhe 30.03.2022 i është drejtuar me kërkesë për informacion partive politike, duke i bashkëlidhur listat e të gjithë kandidatëve për gjyqtar në Gjykatën Kushtetuese. Duhet evidentuar fakti se pjesa më e madhe e partive politike nuk kanë kthyer përgjigje. Kanë kthyer përgjigje gjithsej 5 parti politike, të cilat konfirmojnë në thelb se *“duke filluar nga viti 2012 kandidati nuk ka mbajtur funksione drejtuese apo të ketë qenë anëtare partie”*.

17. Këshilli i Emërimeve në Drejtësi me vendimin nr. 2, datë 23.02.2022, vendosi *“Miratimin e formularit të vetëdeklarimit nga kandidati për anëtar i Gjykatës Kushtetuese për pozicione drejtuese të mbajtura në parti politike gjatë 10 viteve të fundit nga data e kandidimit”*. Ky vendim hyri në fuqi me botimin në Fletoren Zyrtare nr. 33, datë 01.03.2022. Në vijim, në datë 03.03.2022 është njoftuar me e-mail kandidati të paraqes këtë formular të plotësuar, jo më vonë se 3 ditë nga marrja e këtij njoftimi. Kandidati në datë 04.03.2022 ka dorëzuar të plotësuar formularin e vetëdeklarimit, duke deklaruar se nuk ka pasur ndonjë pozicion drejtues në parti politike.

#### **v. VERIFIKIMI I INTEGRITETIT**

18. Neni 125, pika 5 i Kushtetutës parashikon se kriteret tjerë për emërimin dhe zgjedhjen e gjyqtarëve të Gjykatës Kushtetuese rregullohen me ligj. Neni 7/a pika 1 shkronjat “ç” dhe “d” të ligjit nr. 8577/2000 parashikojnë kushtet e kandidimit që kandidati: *“ç) të mos jetë në procedim penal dhe të mos jetë dënuar me burgim për kryerjen e një veprë penale” dhe “d) të mos jetë larguar nga detyra për shkaqe disiplinore dhe të mos ketë masë disiplinore në fuqi”*. Neni 236 i ligjit nr. 115/2015 dhe ligji nr. 138/2015 *“Për garantimin e integritetit të personave që zgjidhen, emërohen ose ushtrojnë funksione publike”*, i ndryshuar (në vijim ligji nr. 138/2015), përcaktojnë që kandidati duhet të mos jetë i dënuar me burgim me vendim të formës së prerë, brenda ose jashtë territorit të Republikës së Shqipërisë, të mos ketë pasur masë sigurimi personal ose urdhër dëbimi, për një listë veprash penale të parashikuara shprehimisht nga ligji. Ndërsa neni 29 i ligjit nr. 45/2015 *“Për të drejtën e informimit për dokumentet e ish-Sigurimit të Shtetit të Republikës Popullore Socialiste të Shqipërisë”* përcakton si kusht ndalues kandidimi nëse kandidati ka qenë ose jo person në ndjekje për spiunazh apo terrorizëm, bashkëpunëtor aktiv i ish-Sigurimit të Shtetit, sipas përcaktimeve të këtij ligji dhe nëse figuron ose jo në dokumentet e ish-Sigurimit të Shtetit.

19. Lidhur me verifikimin e *të dhënave të dekriminalizimit*, KED, me shkresën nr. 218 prot., datë 07.03.2022 dhe shkresën nr. 404, datë 30.03.2022, Këshilli ka dërguar në Prokurorinë e

#### **Këshilli i Emërimeve në Drejtësi 2022**

Adresa Postare : GJYKATA E LARTË, Rruga Ibrahim Rugova, Ndërtesa nr. 20, Kodi Postar 1001, Tiranë, Shqipëri.

Adresa Elektronike : [info@ked.gov.al](mailto:info@ked.gov.al) Numra telefonikë : +355 4 2257302

Përgjithshme për kompetencë formularin e vetëdeklarimit të plotësuar nga kandidati Genti Ibrahimi i sipas ligjit nr. 138/2015.

20. Prokuroria e Përgjithshme, me shkresën nr. 331/2 prot., datë 09.03.2022, ka bërë me dije Këshillin e Emërimeve në Drejtësi, se ; *“Prokuroria e Përgjithshme ka kërkuar informacion dhe dokumente të plota nga prokuroritë pranë gjykatave të shkallës së parë dhe të apelit, sipas objektivit të veprimtarisë së tyre, lidhur me të dhënat që disponojnë për secilin kandidat. Ky informacion do t’iu vihet në dispozicion sa më shpejtë të jetë e mundur.*

*Në zbatim të ligjit nr. 138/2015 “Për garantimin e integritetit të personave që zgjidhen, emërohen ose ushtrojnë funksione publike”, Prokuroria e Përgjithshme kryen verifikimin e të dhënave të vetëdeklaruarara në formularin e plotësuar nga subjekti i këtij ligji, bazuar në kërkesën e bërë brenda 5 ditëve nga organi kompetente:*

*- mbi bazën e një kërkesë, ose kryesish kur disponon të dhëna apo fakte*

*- kur ka informacion dhe është e nevojshme, që verifikimi të kryhet edhe jashtë territorit të Republikës së Shqipërisë.*

*....Në kushtet e sipërcituara të ligjit, Prokuroria e Përgjithshme, ju kërkon plotësimin e të metave të kërkesës suaj, brenda 15 ditëve nga marrja e kësaj kërkesë, për të mos u bërë pengesë për kryerjen e procesit të verifikimit në zbatim të ligjit nr. 138/2015 dhe të ligjit nr. 115/2016.*

*....Gjithashtu ju bëjmë me dije se nga verifikimi i kryer në sistemin elektronik të krijuar për këtë qëllim në Prokurorinë e Përgjithshme, rezultoi që:*

*Për personin Genti Ibrahimi, është kryer proces verifikimi të të dhënave në Formularin e Vetëdeklarimit të plotësuar në zbatim të ligjit nr. 138/2015, për të cilat miratuar rezultatet e verifikimit me vendimet përkatëse”.*

21. Prokuroria e Përgjithshme, në vijim, me shkresën nr. 331/41 prot., datë 08.04.2022, ka kthyer përgjigje, pranë Këshillit të Emërimeve në Drejtësi, duke bërë me dije në lidhje me informacionin e marrë nga Prokuroritë pranë gjykatave të rretheve gjyqësor dhe nuk rezultojnë të dhëna për kandidatin Genti Ibrahimi.

22. Prokuroria e Përgjithshme, në vijim, me shkresën nr. 669/1 prot., datë 06.04.2022, ka kthyer përgjigje, pranë Këshillit të Emërimeve në Drejtësi, duke bërë me dije se: *“Për kandidatin Genti Ibrahimi, nga verifikimet e Zyrës së Protokoll – Arkivës dhe në sistemin IMPRO, nuk disponojmë të dhëna”.*

23. Gjithashtu Këshilli i Emërimeve në Drejtësi, me shkresën nr. 470 prot., datë 31.05.2022, ka kërkuar informacion pranë Strukturës së Posaçme Kundër Korrupsionit dhe Krimin të Organizuar (SPAK), në lidhje me kandidatin Genti Ibrahimi.

24. Strukturës së Posaçme Kundër Korrupsionit dhe Krimin të Organizuar (SPAK), me shkresën nr. 4673/1 prot., datë 04.06.2022, ka kthyer përgjigje, pranë Këshillit të Emërimeve në Drejtësi, duke bërë me dije se: *“pas verifikimit në regjistrin e njoftimit të veprave penale të Prokurorisë së Posaçme kundër Korrupsionit dhe Krimin të Organizuar, nuk rezultoi që në emër të Genti Ibrahimi i datëlindjes 20.03.1970, të jetë regjistruar ndonjë procedim penal”.*

25. Gjithashtu, për verifikimin e integritetit, të lidhur me *pastërtinë e figurës dhe të gjendjes gjyqësore* të kandidatit, në zbatim të shkronjës “ç” të nenit 7/a të ligjit nr. 8577/2000, të nenit 236 të Ligjit nr. 115/2016, si edhe në zbatim të pikës 84 të Vendimit të Këshillit të Emërimeve në Drejtësi nr. 4, datë 11.03.2019 *“Për procedurën e verifikimit të kandidatëve*

#### **Këshilli i Emërimeve në Drejtësi 2022**

Adresa Postare : GJYKATA E LARTË, Rruga Ibrahim Rugova, Ndërtesa nr. 20, Kodi Postar 1001, Tiranë, Shqipëri

Adresa Elektronike : [info@ked.gov.al](mailto:info@ked.gov.al) Numra telefonikë : +355 4 2257302

*për pozicionet vakante në Gjykatën Kushtetuese dhe të Inspektorit të Lartë të Drejtësisë”, KED i është drejtuar me kërkesë për ndihmë administrative për përpunimin e informacionit të klasifikuar për qëllimet e verifikimit të integritetit të kandidatëve Drejtorisë së Sigurisë së Informacionit të Klasifikuar (shkresa nr. 267 prot., datë 09.03.2022); me kërkesë për informacion Shërbimit për Çështjet e Brendshme dhe Ankesat pranë Ministrisë së Brendshme (shkresa nr. 268 prot., datë 09.03.2022); me kërkesë për informacion Drejtorisë së Përgjithshme të Burgjeve (shkresa nr. 303 prot., datë 16.03.2022); me kërkesë për informacion Drejtorisë së Përgjithshme të Gjendjes Civile (shkresa nr. 247 prot., datë 09.03.2022).*

26. Drejtoria e Sigurisë së Informacionit të Klasifikuar me shkresën nr. 1197 prot., datë 14.04.2022, është përgjigjur se: *“në përfundim të procedurave të verifikimit, nuk disponohen të dhëna për përfshirjen e z. Genti Nesip Ibrahim, në veprimtari që cenojnë sigurinë kombëtare apo aktivitete të kundërligjshme”.*

27. Shërbimi për Çështjet e Brendshme dhe Ankesat pranë Ministrisë së Brendshme ka dërguar përgjigje, me shkresën nr. 492/1 prot., datë 30.03.2022, nga ku rezulton se në lidhje me kandidatin Genti Ibrahim: *“nuk figurojnë të evidentuar për veprimtari kriminale dhe as lidhje të personave me precedent kriminal”.*

28. Drejtoria e Përgjithshme e Burgjeve me shkresën nr. 303 prot., datë 16.03.2022, është përgjigjur se: *“rezulton i padënuar nga gjykata penale Shqiptare”.*

29. Drejtoria e Përgjithshme e Gjendjes Civile me shkresën nr. 2540/1 prot., datë 23.03.2022, është përgjigjur se: *“shtetasi Genti Ibrahim, me datëlindje 20.03.1970, nuk ka ndryshime në përbërësin e gjendjes civile”.*

30. Lidhur me *masat disiplinore*, nga ana e relatores me aktin e disponimit datë 06.04.2022, është vendosur *“ marrja dhe administrimi në dosjen e kandidimit për kandidatin z. Genti Ibrahim, kopje të akteve që janë pjesë e verifikimit për plotësimin e kushteve të tjera ligjore nga ato të parashikuara në nenin 7/a të ligjit nr. 8577, datë 10.2.2000 “Për organizimin dhe funksionimin e Gjykatës Kushtetuese të Republikës së Shqipërisë”, të cila ndodhen në dosjen e kandidateve për vendin vakant të shpallur nga Presidenti i Republikës së Shqipërisë në datë 13.01.2022”.* Në këto kushte u administruan kërkesa për informacion disa institucioneve publike dhe subjekte private, pranë të cilave kandidati Genti Ibrahim ka ushtruar funksione publike ose veprimtari private profesionale apo ku gjenden të dhëna lidhur me ushtrimin e detyrave dhe veprimtarinë profesionale të kandidatit si Kuvendi i Shqipërisë (shkresa nr. 329 prot., datë 23.03.2022); Këshilli i Ministrave (shkresa nr. 328 prot., datë 23.03.2022); Instituti për Studime Publike dhe Ligjore (shkresa nr. 327 prot., datë 23.03.2022); Fondacioni “Shoqëria e Hapur për Shqipërinë” (shkresa nr. 326 prot., datë 23.03.2022); Universiteti i Tiranës, Fakulteti i Drejtësisë (shkresa nr. 325 prot., datë 23.03.2022). Lidhur me të dhënat e kërkuara, Këshilli ka marrë përgjigje me shkrim nga Kuvendi i Shqipërisë (shkresa nr. 1206/1 prot., datë 19.07.2022); Këshilli i Ministrave (shkresa nr. 1762/2 prot., datë 03.06.2022); Instituti për Studime Publike dhe Ligjore (shkresa nr. 12 prot., datë 29.03.2022); Fondacioni “Shoqëria e Hapur për Shqipërinë” (shkresa nr. 1190 prot., datë 30.03.2022); Universiteti i Tiranës, Fakulteti i Drejtësisë (shkresa nr. 270/2 prot., datë 07.04.2022).

#### ***Këshilli i Emërimeve në Drejtësi 2022***

Adresa Postare: **GJYKATA ELARTË, Rruga Ibrahim Rugova, Ndërtesa nr. 20, Kodi Postar 1001, Tiranë, Shqipëri.**

Adresa Elektronike : **info@ked.gov.al** Numra telefonikë : **+355 4 2257302**

31. Lidhur me verifikimin dhe kontrollin e integritetit, në zbatim të nenit 229 dhe 236 të Ligjit nr. 115/2016, të dispozitave të ligjit nr. 45/2015, si edhe në zbatim të pikës 85 të Vendimit të Këshillit të Emërimeve në Drejtësi nr. 4 datë 11.03.2019 “Për procedurën e verifikimit të kandidatëve për pozicionet vakante në Gjykatën Kushtetuese dhe të Inspektorit të Lartë të Drejtësisë”, me shkresën nr. 217 prot., datë 07.03.2022. Këshilli ka dërguar formularin e aplikimit përkatës të plotësuar sipas ligjit nga kandidati Genti Ibrahimimi për kompetencë dhe shqyrtim Autoritetit për Informimin mbi Dokumentet e Ish-Sigurimit të Shtetit.

32. Autoriteti për Informimin mbi Dokumentet e Ish-Sigurimit të Shtetit, me shkresën nr. 362/3 prot., datë 17.03.2022, ka dërguar vendimin nr. 63, datë 11.03.2022 pranë Këshillit të Emërimeve në Drejtësi me rezultatet e kontrollit të ushtruar për kandidatin Genti Ibrahimimi, duke ardhur përfundimet se: “ *për zotin Genti Ibrahimimi, nuk ka qenë person në ndjekje për spiunazh apo terrorizëm; nuk ka qenë anëtar, bashkëpunëtor ose i favorizuar nga ish-Sigurimi i Shtetit; nuk figuron të ketë materiale në dokumentet të ish- Sigurimit të Shtetit në emër të tyre, sipas nenit 29, pika 2 të ligjit nr. 45/2015 “Për të Drejtën e Informimit për Dokumentet e ish-Sigurimit të Shtetit të Republikës Popullore Socialiste të Shqipërisë”.*

#### **vi. VERIFIKIMI I PASURISË**

33. Neni 125 pika 5 i Kushtetutës parashikon se kritere të tjera për emërimin dhe zgjedhjen e gjyqtarëve të Gjykatës Kushtetuese rregullohen me ligj. Neni 7/a pika 1 shkronja “dh” e ligjit nr. 8577/2000 parashikon si kusht kandidimi kalimin me sukses nga kandidati të procesit të kontrollit dhe verifikimit të pasurisë së tij personale dhe të familjarëve të tij, sipas ligjit.

34. Për llogaritjen dhe ndjekjen e zbatimit të afatit të parashikuar në pikën 2 të nenit 235 të Ligjit nr. 115/2016, si edhe në zbatim të pikës 60 të Vendimit të Këshillit të Emërimeve në Drejtësi me nr. 4 datë 11.03.2019 “Për procedurën e verifikimit të kandidatëve për pozicionet vakante në Gjykatën Kushtetuese dhe të Inspektorit të Lartë të Drejtësisë”, me shkresën nr. 219 prot., datë 07.03.2022, Këshilli i ka dërguar ILDKPKI-së listën e kandidatëve dhe personave të lidhur me ta që i nënshtrohen procedurës së verifikimit të kushteve dhe kriterëve të tjera ligjore të kandidimit sipas Ligjit nr. 8577/2000 dhe Ligjit nr. 115/2016.

35. Bashkëlidhur kësaj shkrese drejtuar ILDKPKI-së, ndërmjet të tjerave, është vendosur edhe Deklarata e nënshkruar nga kandidati Genti Ibrahimimi, ku tregohet se është pajisur me formularët e deklarimit dhe autorizimet që duhet të plotësohen për qëllimet e procedurës së verifikimit të kandidaturës së tij, si edhe data e nënshkrimit, nga e cila fillojnë të llogariten afatet e përcaktuara nga ligji për përmbushjen e detyrimeve ligjore të kandidatit për procedurën e verifikimit të kandidaturës.

36. ILDKPKI, në zbatim të nenit 235 të ligjit nr. 115/2016, të ligjit nr. 9049/2003 dhe ligjit nr. 9367/2005, me shkresën nr. 1069/4 prot., datë 19.05.2022, ka dërguar pranë Këshillit të Emërimeve në Drejtësi, Aktin Përfundimtar nr. 733/25, datë 19.05.2022 dhe rezultatet e kontrollit të ushtruar për kandidatin Genti Ibrahimimi, ku në përfundim të analizës së hollësishme financiare konkludon se:

1. *Deklarimi nuk është i saktë në përputhje me ligjin, ka mosdeklarim të interesave privatë në deklaratë ndër vite.*

2. *Ka mungesë dokumentacioni justifikues ligjore lidhur me pagesat e detyrimeve tatimore mbi të ardhurat, që kanë shërbyer si burim i pjesshëm për krijimin e pasurive.*

#### **Kësbilli i Emërimeve në Drejtësi 2022**

Adresa Postare : GJYKATA E LARTË, Rruga Ibrahim Rugova, Ndërtesa nr. 20, Kodi Postar 1001, Tiranë, Shqipëri.

Adresa Elektronike : [info@ked.gov.al](mailto:info@ked.gov.al) Numra telefonikë : +355 4 2257302



3. Nuk ka kryer fshehje të pasurisë.
4. Nuk ka kryer deklarim të rremë.
5. Subjekti nuk gjendet në situatën e konfliktit të interesave

37. Akti Përfundimtar nr. 733/25, datë 19.05.2022 i ILDKPKI i është komunikuar kandidatit për të shprehur qëndrimin e tij.

Kandidati Genti Ibrahim, në datën 28.05.2022, në rrugë elektronike ka paraqitur pretendimet e tij për Këshillin, duke dhënë shpjegimet e tij me shkrim lidhur me gjetjet e njoftuara të procedurës së verifikimit për sa i përket kontrollit të pasurisë. Në thelb, në shpjegimet e tij, kandidati parashtroi se

*"1- Pasuritë në fjalë janë përfituar si rrjedhojë e kontratës së sipërmarrjes me "Brilant" sh.p.k, për ndërtim objekti mbi tokën e trashëguar nga kandidati. Për të vërtetuar sa më sipër kam dorëzuar në ILDKPKI Kontratën e Sipërmarrjes nr. 851 rep, nr. 527 kol, datë 08/06/2020 dhe Akt Marrëveshjen për Caktimin e Pjesës në Natyrë të Palës Pronare të Trullit nr. 1269 rep, nr. 92 kol, datë 17.06.2016.*

*Kontratën e Shkëmbimit nr. 1811 rep, nr. 1143 kol, datë 6.9.2019 e cila nuk është paraqitur në momentin e deklarimit, (pasi nuk e disponoja në atë kohë) po ia bashkëngjis këtij emaili. Shitjet e pasurive të përmendura janë deklaruar rregullisht në kuadër të deklarimit për efekt kandidimi. Gjithashtu kontratat e shitjes janë depozituar në ILDKPKI qoftë gjatë kontrollit të thelluar në fund të vitit 2021, qoftë në kuadër të kontrollit për efekt të deklarimit. Mos deklarimi i shitjes së këtyre pronave në Deklaratat Periodike Vjetore të viteve 2019 dhe 2020 shpjegohet me faktin se këto prona, deri në fund të vitit 2019, figuronin në emër të nënës. Pasi ajo ndërroi jetë në maj të vitit 2019, këto prona kaluan në bashkëpronësi midis kandidatit, babait dhe motrës së kandidatit. Për më tepër shitjet janë bërë me prokurorë nga babai dhe të ardhurat janë derdhur në llogarinë e tij. Në këto kushte mosdeklarimi i shitjeve ka qenë një pasaktësi/harresë.*

*2- Fjala është për shtëpinë ku unë banoj aktualisht. Kjo shtëpi është deklaruar nga unë që në deklarimin tim të parë në vitin 2007 (në atë kohë isha anëtar i Këshillit Kombëtar të Radio Televizionit). Deklarimi është shoqëruar gjithnjë nga Kontrata e Porosisë dhe (duke filluar që nga viti 2009) edhe nga kontrata e shitjes. Fakti që në deklaratat e viteve 2007 dhe 2008 unë nuk kam deklaruar në rubrikën "Detyrimet Financiare ndaj Personave Juridikë dhe Fizikë" shumat që i detyrohesh shoqërisë ndërtuese sipas kontratës së porosisë ka pasur të bëjë me keqkuptimin e qëllimit të kësaj rubrike e cila, teksa shpjegonte se çfarë janë detyrimet financiare që duhen deklaruar, jepte si shembuj (i) kreditë, (ii) huamarrjen, (iii) detyrim për studime etj. Duke mos u ndodhur në asnjërën prej situatave të mësipërme (thjesht kisha porositur një shtëpi paratë për të cilën i kisha në llogari bankare) nuk e kam kuptuar që duhej të deklaroja shumat që i detyrohesh ndërtuesit sipas kontratës së porosisë dhe pagesat që bëheshin periodikisht sipas kalendarit të punimeve. Shtoj gjithashtu që kjo e mëtej nuk është vënë asnjëherë në dukje nga ILDKPKI;*

*3- Vlera reale e shitjes së apartamentit në vitin 2002 është deklaruar saktësisht. Të ardhurat nga shitja e këtij apartamenti janë deklaruar si burim për blerjen e apartamentit të dytë që është ende në pronësi të kandidatit. Fakti që kontrata e shitjes tregonte një shifër të ndryshme nga shifra e përfituar nga shitja dhe e deklaruar kishte të bënte me një marrëveshje midis shitësit dhe blerësit për të veçuar vlerën e apartamentit nga vlera totale e shitjes e cila, përveç apartamentit, përfshinte edhe mobilimin dhe një vend parkimi.*

*4- Duke filluar nga viti 1999 deri në vitin 2018 kam qenë i punësuar pranë Institutit për Studime Publike dhe Ligjore (herë si drejtor e herë si specialist). Duke qenë se gjatë gjithë kësaj periudhe nuk kam qenë subjekt tatimor si individ nuk kam ruajtur dokumentacion që të*

### **Këshilli i Emërimeve në Drejtësi 2022**

Adresa Postare: GJYKATA E LARTË, Rruga Ibrahim Rugova, Ndërtesa nr. 20, Kodi Postar 1001, Tiranë, Shqipëri

Adresa Elektronike : [info@ked.gov.al](mailto:info@ked.gov.al) Numra telefonikë : +355 4 2257302

tregojë shlyerjen e detyrimeve tatimore. Jam në pritje të një vërtetimi nga tatimet që nuk jam debitor.

5- Ju lutem vini re se struktura e pasurive të mia të paluajtshme është mjaft komplekse. Në deklaratën time të pasurisë do të gjeni 45 pasuri të paluajtshme. Të gjitha (me përjashtim të shtëpisë ku banoj) janë të trashëguara. Shumë prej tyre as i kam parë e as i kam shkelur ndonjëherë. Shumë prej këtyre pasurive për mua nuk janë veçse letra. Në këto kushte nuk është për t'u habitur që të ketë ndonjë harresë si kjo aq më tepër që gjatë 3 muajve të fundit kam kryer 4 deklarime dhe kontrole: (i) kontrolli i thelluar në fund të vitit 2021; (ii) deklarimi pas përfundimit të detyrës; (iii) deklarimi periodik për vitin 2021; (iv) deklarimi dhe kontrolli për efekt kandidimi. Tre deklaratimet e fundit kanë pasur edhe vështirësinë shtesë të përdorimit, për herë të parë, të sistemit elektronik”.

38. Në datën 10.08.2022 KED ka marrë në shqyrtim, relacionin e përgatitur për vakancën e Presidentit të Republikës, dhe ka vlerësuar se duhet të plotësohet hetimi me veprime shtesë sa i përket kriterit të pasurisë në lidhje me këtë kandidat. Hetimi i kryer nga Këshilli i Emerimeve në Drejtësi në lidhje me kriterin e pasurisë për këtë kandidat, korrespondencat e shkëmbyera me ILDKPKI, Drejtorinë Rajonale Tatimore Tiranë, janë bërë pjesë e akteve të verifikimit edhe në këtë vakancë.

39. Në datën 10.08.2022, në mbledhjen e zhvilluar është vendosur marrja e informacioneve shtesë nga ILDKPKI, për pasojë me shkresën nr. 564, datë 12.08.2022, u kërkuar informacion ILDKPKI si më poshtë:

**“Së pari,** na vendosni në dispozicion aktet me të cilën është bërë analiza financiare e kandidatit për çdo vit, në të cilën janë pasqyruar të ardhurat, shpenzimet përkatëse dhe vendosja e pasurive ndër vite, ose çdo lloj dokumentacioni ndihmues në këtë drejtim.

**Së dyti,** sa janë të ardhurat e ligjshme për të cilat rezultojnë se janë paguar tatime nga kandidati dhe për sa të ardhura nuk janë paguar ato, në shifra konkrete, pasi sipas raportit tuaj nuk është evidentohet qartë, referuar kontratave dhe dokumenteve që kandidati, ju ka venë në dispozicion. Jeni të lutur, të na konkretizoni nëse vetëm të ardhurat e ligjshme, pra ato për të cilat kandidati ka paguar tatimet, e justifikojnë pasurinë e kandidatit, dhe si qëndron raporti i tyre me ato të ardhura për të cilat nuk janë paguar tatime.

**Së treti,** nga ana juaj nuk rezultojnë se keni pasur komunikime me Drejtorinë Rajonale të Tatimeve Tiranë, a mund të na sqaroni se si keni dalë në konkluzionin se kandidati nuk ka paguar tatimet mbi të ardhurat? Për më tepër, gjeni bashkëlidhur dhe shkresën nr. 17537/1 prot., datë 06.07.2022, të Drejtorisë Rajonale Tatimore Tiranë.

**Së katërti,** rezultojnë se kandidati ka punuar me mbivendosje në dy institucione, konkretisht, gjatë periudhës 15.03.1999, deri në datën 15 Qershor 1999, ka deklaruar se ka mbajtur funksionin e Drejtorit të Kabinetit të Ministrit të Shtetit për Reformën Legjislative dhe Marrëdhëniet me Kuvendin (pranë Këshillit të Ministrave), e cila mbivendoset me periudhën 31.03.1999 deri në datën 11.10.2007, kohë në të cilën ka mbajtur detyrën e Drejtorit Ekzekutiv të Fondacionit “Instituti për Studime Publike dhe Ligjore”; Gjatë periudhës 11.10.2007 deri në datën 13.12.2013 ka deklaruar se ka mbajtur funksionin e anëtarit të Këshillit Kombëtar të Radio Televizionit, periudhë e cila mbivendoset me periudhën Shtator 2007 deri 13.02.2013, kohë në të cilën ka mbajtur detyrën e juristit pranë Fondacionit “Instituti për Studime Publike dhe Ligjore”.

Sipas jush, fakti që kandidati ka punuar edhe pranë KKRT/AMA edhe pranë ISPL apo edhe pranë Këshillit të Ministrave, si dhe pranë ISPL, sipas legjislacionin të kohës së ushtrimit të këtyre detyrave shtetërore, a ka qenë në kushtet e konfliktit të interesit, duke pasur parasysht edhe natyrën e funksionit që ka ushtruar? Gjeni bashkëlidhur ekstraktin e ISPL.

#### Kësbilli i Emërimeve në Drejtësi 2022

Adresa Postare : GJYKATA E LARTË, Rruga Ibrahim Rugova, Ndërtesa nr. 20, Kodi Postar 1001, Tiranë, Shqipëri.

Adresa Elektronike : [info@ked.gov.al](mailto:info@ked.gov.al) Numra telefonikë : +355 4 2257302

*Së pesti në lidhje me gjetjen e parë sipas konkluzioneve në Akt kontrollin tuaj, (Mosdeklarim i shitjes së pasurisë së paluajtshme në Vlorë, konkretisht të apartamentit me sip. 114,1 m2, me çmim 51.000 euro dhe apartamentit me sip 89,66 m2, me çmim 45.000 euro, në deklaratën e interesave private "Periodike vjetore 2019", si dhe i shitjes së njësisë me sip. 41 m2, me çmim 3.800.700 lekë në deklaratën e interesave "Periodike vjetore 2020", pasuri të përfituara me kontratë shkëmbimi nr. 1811 rep., nr. 1143 kol., datë 06.09.2019, e cila nuk është paraqitur nga kandidati), është e domosdoshme të risqaroni, nëse jemi përpara pasaktësisë apo mosdeklarimit nga ana e kandidatit, duke qenë se ky i fundit ka deklaruar pranë KED-së se bëhet fjalë për pasaktësi".*

40. Për sa më sipër, ILDKPKI, me shkresën nr. 1069/10 prot., datë 19.08.2022, ka dërguar informacionin e mëposhtëm:

*"Në aktin përfundimtar të kontrollit të plotë ILDKPKI ka krahasuar dhe vlerësuar në mënyrë të plotë dhe të saktë Deklaratën e Pasurisë dhe Interesave Privatë të Kandidatit Genti Ibrahimimi..., dokumentacionin justifikues të dorëzuar nga vetë kandidati, deklaratat e interesave private ndër vite, me të dhënat e kërkuara me anë të korrespondencave zyrtare pranë institucioneve publike dhe private, si dhe sqarimet të dhëna nga kandidati. Për sa i përket çështjeve të parashtruara mbi të ardhurat e kandidatit dhe b/shortes, si dhe pagesës së detyrimeve tatimore, në aktin e përfundimit të kontrollit të plotë në analizën e të ardhurave, është theksuar "të ardhurat....për periudhën 2000-2022 rezultojnë në total 60.089.811 lekë + 434.406 Euro+ 169.477 USD, e konvertuar 132.300.000 lekë.... si dhe të ardhurat e tjera ndër vite për djalin dhe prindërit e kandidatit...". Nga analiza e dokumentacionit justifikues të paraqitur nga kandidati për punësimin e tij gjatë periudhës 2003-20017, kontrata shërbimi, rezulton se në disa marrëveshje (kontrata) është përcaktuar se pagesa e detyrimeve tatimore i përket punëmarrësit dhe marrëveshje (kontrata) në të cilat nuk është përcaktuar pala përkatëse për këto detyrime. Në vlerësim të dokumentacionit përllogaritet një shumë rreth 39.000.000 lekë, të ardhura të kandidatit, e përfshirë në shumën 132.300.000 lekë, për të cilat nuk ka dokumentacion për të vërtetuar pagesën e detyrimeve tatimore mbi të ardhurat e përfituara. Me shumën e krijuar kandidati dhe b/shortja, në vite, kanë kryer shpenzime apo pagesa në funksion të krijimit të pasurisë....duke qenë se në llogaritë e tyre janë kredituar si të ardhura për të cilat janë provuar pagesa e detyrimeve tatimore, ashtu edhe të ardhurat për të cilat nuk është provuar pagesa e tyre, duke krijuar me to një shumë të vetme, është objektivisht e pamundur për të përcaktuar shumën, se cila nga këto dy lloj të ardhurash ka shërbyer për krijimin e një pasurie të caktuar. Me qëllim saktësimin e të dhënave.... është kërkuar informacion pranë Drejtorisë së Përgjithshme të Tatimeve, si dhe ISSH.... si dhe i është kërkuar kandidatit të paraqes dokumentacion justifikues në lidhje me pagesën e detyrimeve tatimore, për të cilat nuk është paraqitur deri në përfundimin e procedurës administrative dhe hartimit të aktit të përfundimit të kontrollit të plotë. Në analizë të shkresës së ardhur nga Drejtoria Rajonale e Tatimeve me nr. 1753/1 prot., datë 06.07.2022, drejtuar Këshillit të Emërimeve në Drejtësi, konstatohet se të dhënat e paraqitura janë të njëjta me të dhënat e administruara nga ISSH, si dhe të dhënat që gjenerohet në mënyrë elektronike nga sistemi. Në lidhje me detyrimet tatimore, vetë shkresa konfirmon se kandidati ka marrë masa për të dorëzuar DIVA për vitin 2017, më datë 02.06.2022, pas dorëzimit të aktit përfundimtar të kontrollit të plotë të kryer për deklaratën e interesave private të kandidatit.... kandidati duhet të plotësonte dhe të dorëzonte DIVA, në ose për të gjitha vitet që ka kaluar shumën e të ardhurave bruto mbi 2.000.000 lekë/vit, ku referuar dokumentacionit të paraqitur, ky prag është kaluar në disa periudha tatimore përpara vitit 2017.*

*Për sa i përket çështjes së konfliktit të interesave..... gjatë së cilës kandidati ka ushtruar funksionin e anëtarit të KKRT, si dhe juristi pranë ISPL (2007-2013)...., ligji nr. 8410, datë*

#### **Këshilli i Emërimeve në Drejtësi 2022**

Adresa Postare: GJYKATA E LARTË, Rruga Ibrahim Rugova, Ndërtesa nr. 20, Kodi Postar 1001, Tiranë, Shqipëri

Adresa Elektronike : [info@ked.gov.al](mailto:info@ked.gov.al) Numra telefonikë : +355 4 2257302

30.09.1998 "Për Radion dhe Televizionin Publik e Privat në Republikën e Shqipërisë" i ndryshuar, aktualisht i shfuqizuar, (neni 8, neni 14), rezulton të ketë pasur parashikimeve mbi mënyrën e ushtrimit të funksionit të Kryetarit dhe Zëvendëskryetarit, duke përcaktuar ushtrimin e funksionit me kohë të plotë, si dhe të papajtueshmërisë me çdo detyrë ose funksion tjetër publik e privatë, me përjashtim të mësimdhëniesë. Në lidhje me anëtarët e ish-KKRT ushtrimi i funksionit, si dhe rastet e papajtueshmërisë, kanë qenë të ndryshme nga Kryetarit dhe Zëvendëskryetarit. Ligji nr. 9367, datë 07.04.2005 "Për parandalimin e konfliktit të interesave në ushtrimin e funksioneve publike" ka përcaktuar rregulla të detyrueshme për tu zbatuar për çdo zyrtar, kufizimet për anëtarët e organeve rregullator apo çdo zyrtari tjetër. ILDKPKI është krijuar në vitin 2003 në kuadër të miratimit të ligjit nr. 9049, datë 10.04.2003 "Për deklarimin dhe kontrollin e pasurive, të detyrimeve financiare të të zgjedhurve dhe të disa nëpunësve publik", si dhe ka marrë kompetencat në lidhje me parandalimin e konfliktit të interesave në vitin 2005 pas miratimit të ligjit nr. 9367/2005, i cili ka hyrë në fuqi në tetor

2005. Në këtë kuadër të gjitha periudhat e parashtruara përpara hyrjes në fuqi të ligjit, për vitin 1997-1999, janë jashtë fushës së veprimtarisë së Inspektorit të Lartë.

Për sa i përket periudhës gjatë të cilës kandidati ka ushtruar funksionin e ish anëtarit të KKRT, si dhe jurist pranë ISPL (2007-20113), ligji nr. 8410/1998, ka pasur të parashikuar rastet e papajtueshmërisë së Anëtarëve të Këshillit Kombëtar të Radios dhe Televizionit. Në referim të ligjit nr. 9367/2005, të dhënat e përcjella me anë të shkresë suaj nr. 564/2022, të dërguar nga ISPL, nuk përmban informacion shterues e të qartë me qëllim përjashtimin e rasteve të mundshme të konfliktit të interesit rast për rast të interesave se të gjithë projektet apo konceptimet e projekteve, në të cilat është përfshirë kandidati, nuk kanë pasur fushë ndërlidhje apo ndërveprimi me veprimtarinë e ish KKRT.

Në lidhje me çështjet e fundit, ILDKPKI ka parashtruar qëndrimin në aktin përfundimtar të kontrollit të plotë, dërguar pranë KED, i cili si organ përgjegjës vendimmarrës ka në kompetencë vlerësimin e mëtejshëm që qëndrimeve të kandidatit".

41. Gjithashtu në vijim nga ana e KED-së, në datë 29.08.2022 është njoftuar kandidati Genti Ibrahimimi dhe i është kërkuar informacion si më poshtë:

**"Së pari**, për vilat C7 dhe C8, për të cilat ILDKPKI ka deklaruar se referuar kontratave të shitblerjes, kanë të njëjtat sipërfaqe, janë nënshkruar në të njëjtën ditë, por kanë vlera të ndryshme. A mund të sqaroni, përse kjo diferencë? (Faqja nr. 25 e Akt-kontrollit). **Së dyti**, sipas Drejtorisë Rajonale të Tatimeve Tiranë, rezulton se: "Ndërsa për tatimet e deklaruar të paguara gjatë vitit lidhur me të ardhurat e deklaruar nga qiraja sipas "Deklaratave Individuale Vjetore të të Ardhurave" të dorëzuara nga ky individ për vitet 2019 dhe 2020, me shkresën tonë nr. 14154/1 prot..me lëndë "Kthim përgjigje dhe kërkesë për plotësim dokumentacioni", drejtuar Z. Genti Ibrahimimi me ID H00320090S i është kërkuar dokumentacioni vërtetues sipas përcaktimit të UMF nr. 5, data 30.01.2008 "Për tatimin mbi të ardhurat", i ndryshuar, pika 2.8.6.1 gërmat d),. Kopje të kontratave të qirasë për të ardhurat bruto nga qiraja të deklaruar dhe dokumentin që vërteton pagesën e tatimit të deklaruar të paguar gjatë vitit lidhur me këto të ardhura, por deri në datën e sotme nuk është paraqitur ky dokumentacion".

Pra, ju është kërkuar plotësimi i dokumentacionit në lidhje me kontratat e qerases, me të cilat ju keni gjeneruar të ardhura dhe dokumentacioni përkatës që vërteton pagimin e tatimit. A mund të sqaroni në lidhje me fazën ku ndodhet ky proces? Po ashtu nëse mundeni, të bashkëlidhjeni çdo dokumentacion të nevojshëm në këtë drejtim.

**Së treti**, referuar të ardhurave tuaja, a mund të sqaroni sa keni deklaruar për çdo vit si subjekt deklarues pranë ILDKPKI, që nga viti 2007, dhe sa keni deklaruar si subjekt

#### Kësbilli i Emërimeve në Drejtësi 2022

Adresa Postare : GJYKATA E LARTË, Rruga Ibrahim Rugova, Ndërtesa nr. 20, Kodi Postar 1001, Tiranë, Shqipëri.

Adresa Elektronike : [info@ked.gov.al](mailto:info@ked.gov.al) Numra telefonikë : +355 4 2257302

tatimpagues pranë Drejtorisë Rajonale të Tatimeve, Tiranë, (DIVA), duke iu referuar parashikimeve të ligjit nr. 10343/2010 "Për disa shtesa dhe ndryshime në ligjin nr. 8438, datë 28.12.1998 "Për tatimin mbi të ardhurat" i ndryshuar?

**Së katërti**, në lidhje me mobilimin e apartamentit të Komuna e Parisit, mund të shpjegoni vlerën e ulët të shitjes së kësaj pasurie në vlerën 3.000.000 lekë, ndërkohë që ju e keni blerë në vlerën 3.600.000 lekë. A mund të depozitoni një deklaratë noteriale nga blerësi në lidhje me diferencën që krijohet nga shitja e garazhdit dhe mobilimit? Po ashtu, mund të na sqaroni më hollësisht lidhur me prapësimin tuaj, se garazhdi/parkimi ka qenë i paregjistruar. Nëse është e mundur na vini në dispozicion kontratën e shitjes të vitit 2002".

40. Kandidati Genti Ibrahimimi në datë 02.09.2022, ka depozituar qëndrimin e tij në lidhje me sa i është kërkuar si më sipër;

"Për pyetjen e parë. Unë jam palë porositës (sipas kontratës së sipërmarrjes) dhe palë blerëse (sipas kontratës së shitjes) vetëm për vilën C7. Çmimi i blerjes së vilës C7 është 237.300 Euro (shih aneks 1 për kopje të këtyre kontratave. Kopjet e vërtetuara sipas ligjit janë depozituar në ILDKPKI). Vila C7 është në bashkëpronësi (50%) me bashkëshorten. Vila C8 është porositur dhe blerë nga nëna dhe babai (shih aneks 2 për kopje të këtyre kontratave. Kopjet e vërtetuara sipas ligjit janë depozituar në ILDKPKI). Sot unë jam pronar i vilës C8 në masën 1/6 si rezultat i trashëgimisë pas vdekjes së nënës. Në këto kushte nuk mund të jap sqarime të mëtejshme për diferencën e çmimit, pasi nuk jam unë blerës i vilës C8.

Për pyetjen e dytë. Sqaroj se kontratat e qirasë të cilat i kam deklaruar si të ardhura janë depozituar në ILDKPKI në kuadër të kontrollit të thelluar për shkak të funksionit në fund të vitit 2021 dhe në kuadër të kontrollit të fundit për efekt të kandidimit. Të gjitha këto kontrata specifikojnë qartë (në nenin 5, paragrafi 2) si më poshtë: "Mbi këtë shumë, qiramarrësi do të mbajë në burim tatimin prej 15%. (jepet shifra përkatëse) dhe do ta derdhë atë për llogari të autoritetit tatimor". Për lehtësi të vlerësimit nga KED po bashkëngjis si aneks 3 kopje të kontratave (Kopjet e vërtetuara sipas ligjit janë depozituar në ILDKPKI).

Për pyetjen e tretë. Sa i takon pyetjes së parë, sqaroj se nuk kam ndonjë kundërshtim apo saktësim lidhur me shifrat që ka evidentuar ILDKPKI në aktin e përfundimit të kontrollit të plotë të deklaratës së pasurisë dhe interesave private. Në lidhje me pyetjen e dytë, sqaroj se duke filluar nga viti 2012 (kur ka filluar zbatimi i ligjit në fjalë), kur më ka lindur detyrimi si subjekt tatimpagues me deklaram, për kontratat të cilat specifikojnë se detyrimi për pagesën e detyrimit tatimor është i konsulentit, kam deklaruar pranë DRT të ardhura në masën 8.511.700 lekë dhe kam paguar detyrimin përkatës tatimor në masën 1.015.570 lekë. Për më shumë detaje shih aneks 4.

Për pyetjen e katërt. Sqaroj se në asnjë rast unë nuk kam deklaruar vlerën e shitjes së apartamentit në rrugën Komuna e Parisit në masën 3.000.000 lekë. Unë kam deklaruar gjithnjë shifrën 50.000 USD, si vlerë e shitjes së apartamentit në fjalë (këtë e vërteton edhe hyrja në llogari bankare nga blerësi). Siç kam shpjeguar në një komunikim më të hershëm me KED, përpara mbledhjes së datës 10 gusht, fakti që kontrata e shitjes (shih aneks 5) tregon një shifër të ndryshme nga shifra e përfutur nga shitja, kishte të bënte me një marrëveshje midis shitësit dhe blerësit për të veçuar vlerën e apartamentit nga vlera totale e shitjes e cila përveç apartamentit, përfshinte edhe mobilimin dhe në vend parkimi/garazhd të paregjistruar. Mbi vendin e parkimit që rezervohej për apartamentin është ndërtuar nga ndërtuesit një garazh i cili nuk ka qenë i regjistruar si pronë më vete. Kontrata e shitjes dhe një hartë janë bashkëngjitur (shih aneks 5). Përkundrajt verifikimeve të kryera në harkun kohor 29 gusht – 1 shtator 2022, më rezultoi se blerësi nuk e disponon më apartamentin e blerë prej meje në vitin 2002 (e ka shitur te një palë e tretë). Në këto kushte e ka të pamundur

#### Kësbilli i Emërimeve në Drejtësi 2022

Adresa Postare: GJYKATA E LARTË, Rruga Ibrahim Rugova, Ndërtesa nr. 20, Kodi Postar 1001, Tiranë, Shqipëri.

Adresa Elektronike: info@ked.gov.al Numra telefonikë: +355 4 2257302

të siguroj një deklaratë noteriale nga blerësi në lidhje me diferencën që krijohet nga shitja e garazhdit dhe mobilimit. Sidoqoftë marrëveshja mes nesh nuk ka pse të vihet në dyshim për sa kohë palët kanë firmosur lirisht kontratën, pala blerëse ka kryer pagesën e dakordësuar dhe unë kam deklaruar saktë vlerën e përfutur nga shitja”.

41. Gjithashtu me shkresën nr. 565 prot., datë 12.08.2022, nga ana e KED-së është kërkuar informacion shtesë nga Drejtoria Rajonale e Tatimeve Tiranë, konkretisht: “Me shkresën nr. 17537/1, prot., datë 01.07.2022, nga ana juaj na bëhet me dije se për kandidatin nuk janë pasqyruar të ardhura nga paga/shpërblimet si anëtar i KKRT apo edhe pranë Shkollës së Magjistraturës për të gjitha periudhat. Lutemi, mund të na sqaroni arsyen e mos pasqyrimin të këtyre të ardhurave? (bashkëlidhur shkresa nr. 17537/1, prot., datë 01.07.2022)”.

42. Drejtoria Rajonale e Tatimeve Tiranë, me shkresën nr. 22668/1 prot., datë 09.09.2022, bën me dije se : “lidhur me pasqyrimin e të ardhurave nga paga/shpërblime si anëtar i KKRT apo Shkolla e Magjistraturës nga z. Genti Ibrahimimi me ID H00320090S, ju informojmë se nga listëpagesa e dorëzuar elektronikisht nga subjektet pumëdhënës nga periudha dhjetor 2011 dhe në vijim nuk rezultojnë të dhëna për të ardhura nga paga dhe shpërblime të përfuturara nga z. Genti Ibrahimimi me ID H00320090S nga subjekti KKRT. Ndërsa, për sa i përket të ardhurave bruto nga paga të rezultuara nga listëpagesa e subjektit “Shkolla e Magjistraturës” periudha 2012 deri 2021 rezulton se janë përfshirë në vlerën totale të deklaruar për të ardhurat bruto nga paga dhe shpërblime në rubrikën (3) të deklaratave individuale vjetore të dorëzuara nga ky individ deri në datën e sotme. Sqarojmë se të dhënat që disponojmë sipas listëpagesave të deklaruara elektronikisht në sistemin informatik tatimor c@ts, fillojnë nga muaji dhjetor 2011, ndërsa listëpagesat përpara periudhës tatimore dhjetor 2011, administrohen nga Drejtoria Rajonale e Sigurimeve Shoqërore”.

43. Në vijim KED, me shkresën nr. 566 prot., datë 12.08.2022, është kërkuar informacion dhe dokumentacion nga Kuvendi i Republikës së Shqipërisë, konkretisht: “Aktet dhe dokumentacioni që iu keni administruar nga institucione të tjera apo aktet që iu keni prodhuar gjatë procedurës së verifikimit dhe vlerësimit të këtij kandidati për pozicionin e anëtarit të Këshillit të Lartë të Prokurorisë, për plotësimin e kushtit të përvojës profesionale prej 15 vjetësh dhe mbi verifikimin e pasurisë”.

44. Kuvendi i Republikës së Shqipërisë, me shkresën nr. 2774/1 prot., datë 29.08.2022, bën me dije se ka dërguar kopje të dokumentacionit të kërkuar, konkretisht:  
“1. Vendim i Kuvendit nr. 4/2018 “Për rrëzimin e listës në bllok të kandidatëve të përzgjedhur për anëtarë të Këshillit të Lartë të Prokurorisë sipas ligjit nr. 115/2016 “Për organet e qeverisjes së sistemit të drejtësisë”. Miratuar më 25.01.2018.  
- Raport dhe procesverbale nga Nënkomisioni për përzgjedhjen e kandidatëve për anëtarë të Këshillit të Lartë Gjyqësor dhe Këshillit të Lartë të Prokurorisë.  
- Raport i Sekretarit të Përgjithshëm për procesin e verifikimit të plotësimin të kushteve ligjore dhe kritereve profesionale e morale për kandidatët për Këshillin e Lartë të Prokurorisë nga trupa e pedagogëve.  
- Njoftim i Sekretarit të Përgjithshëm lidhur me listën dhe raportin për kandidatët për anëtarë të Këshillit të Lartë të Prokurorisë nga trupa e pedagogëve.  
2. Vendim i Kuvendit nr. 12/2018 “Për rrëzimin e listës së dytë në bllok të kandidatëve të përzgjedhur për anëtarë të Këshillit të Lartë të Prokurorisë sipas ligjit nr. 115/2016 “Për organet e qeverisjes së sistemit të drejtësisë”. Miratuar më 01.02.2018.

#### **Këshilli i Emërimeve në Drejtësi 2022**

Adresa Postare : GJYKATA E LARTË, Rruga Ibrahim Rugova, Ndërtesa nr. 20, Kodi Postar 1001, Tiranë, Shqipëri.

Adresa Elektronike : [info@ked.gov.al](mailto:info@ked.gov.al) Numra telefonikë : +355 4 2257302

- Njoftim, raporte dhe procesverbal nga Nënkomisioni për përzgjedhjen e kandidatëve për anëtarë të Këshillit të Lartë Gjyqësor dhe Këshillit të Lartë të Prokurorisë.

3. Vendim i Kuvendit nr. 19/2018 "Për zgjedhjen e anëtarëve të Këshillit të Lartë të Prokurorisë sipas ligjit nr. 115/2016 "Për organet e qeverisjes së sistemit të drejtësisë". Miratuar më 08.02.2018.

- Njoftim, raporte dhe procesverbal nga Nënkomisioni për përzgjedhjen e kandidatëve për anëtarë të Këshillit të Lartë Gjyqësor dhe Këshillit të Lartë të Prokurorisë.

4. Njoftime, informacione të Sekretarit të Përgjithshëm dhe Kryetares së Bordit Drejtues të ONM-së, lidhur me verifikimin e kandidatëve për anëtarë të Këshillit të Lartë të Prokurorisë nga trupa e pedagogëve.

5. Njoftim i Shkollës së Magjistraturës për përcjelljen e dokumentacionit për kandidatin Gent Ibrahimimi për anëtarë të Këshillit të Lartë të Prokurorisë.

6. Kërkesë për verifikim e Sekretarit të Përgjithshëm, njoftim Autoritetit për të drejtën e Informimit mbi Dokumentet e ish- Sigurimit të Shtetit, lidhur me verifikimin e plotësisimit të kushteve ligjore dhe të integritetit profesional e moral për kandidatët për anëtarë të Këshillit të Lartë të Prokurorisë nga trupa e pedagogëve.

7. Kërkesë për verifikim e Sekretarit të Përgjithshëm, njoftim vendim i Prokurorisë së Përgjithshme lidhur me verifikimin e plotësisimit të kushteve ligjore dhe të integritetit profesional e moral për kandidatët për anëtarë të Këshillit të Lartë të Prokurorisë nga trupa e pedagogëve.

8. Kërkesë për verifikim e Sekretarit të Përgjithshëm, informacion i Inspektoratit të Lartë të Deklarimit dhe Kontrollit të Pasurive dhe Konfliktit të Interesit lidhur me verifikimin e plotësisimit të kushteve ligjore dhe të integritetit profesional e moral për kandidatët për anëtarë të Këshillit të Lartë të Prokurorisë nga trupa e pedagogëve.

9. Formularët e vlerësimit nga trupa e pedagogëve për kandidaturën e Gent Ibrahimimi për anëtarë të Këshillit të Lartë të Prokurorisë, sipas pikëzimit të dhënë nga çdo anëtarë i Mbledhjes së Posaçme të drejtuesve të institucioneve të Arsimit të Lartë dhe Shkollës së Magjistraturës".

45. Në vijim KED ka vlerësuar të nevojshëm caktimin e një eksperti kontabël të licensuar në lidhje me hetimin e kriterit të pasurisë së kandidatit në fjalë, duke u bazuar në përcaktimet e pikës 72 të Vendimit Nr.4, datë 11.03.2019 të KED. Me vendimin nr.39, datë 16.09.2022 KED caktoi si eksperte kontabël, znj. Valbona Kraja, të cilës iu caktuan për zgjidhje këto detyra nga ana e KED;

a) Per secilin vit, të evidentohen në analizë financiare të ardhurat e kandidatit dhe personave të lidhur, për sa nga të ardhurat janë paguar tatimet, për sa nga të ardhurat nuk janë paguar tatimet, shpenzimet, balancat, me qëllim që të konkludohet nëse për pasuritë e paluajtshme dhe të luajtshme të vëna sipas viteve të deklaruara (Garden Vila C7 Lundër; automjeti me targë AB526BC dhe automjeti me targë AB647DH; kursime bankare të cituara në formularin e pasurisë së kandidimit), justifikohen vetëm me të ardhurat për të cilat janë paguar tatimet dhe për të cilat ekziston dokumentacion justifikues;

b) Për secilin vit, të evidentohet si zë i veçantë e ardhura për të cilin mungon dokumentacioni për pagimin e tatimit dhe cili e ka pasur detyrimin për pagimin e tatimeve; c) Të evidentohen të ardhurat, për të cilat kandidati ka paguar më vonë tatimet si dhe të përcaktohet për zërin "të ardhura për të cilat mungon dokumentacioni për pagimin e tatimit", "shuma përkatëse e tatimit";

d) Sa rezulton në total shuma e të ardhurave të deklaruara nga kandidati dhe bashkëshortja, për të cilën nuk janë paguar tatimet? Cilave kontrata dhe cilave pagesa i përket shuma përkatëse.

#### **Këshilli i Emërimeve në Drejtësi 2022**

Adresa Postare : GJYKATA E LARTË, Rruga Ibrahim Rugova, Ndërtesa nr. 20, Kodi Postar 1001, Tiranë, Shqipëri.

Adresa Elektronike : [info@ked.gov.al](mailto:info@ked.gov.al) Numra telefonikë : +355 4 2257302

46. Nëpërmjet rrugës elektronike i është komunikuar vendimi i sipërshtënuar kandidatit. e-mail i datës 20.09.2022, i cili nuk ka shprehur kundërshtim në lidhje me sa më sipër.

47. Në datën 07.10.2022 është depozituar nga ana e ekspertës akti i ekspertimit me nr.598 prot.datë 07.10.2022, nga i cili ka rezultuar në përgjigje të detyrave të lëna nga KED konkluzioni i ekspertës si më poshtë;

“.....në tabelen përmbledhese të ardhura dhe shpenzime janë pasqyruar sipas viteve me balancat perkatese.

Balancat rezultojnë në tepricë kreditore. Gjendja në fund të balances rezulton:

- 132.203.759,-leke

357.812,-euro

151.490,-Usd.

E konvertuar në lek, balanca kreditore rezulton 190.076.530,-leke (Njëqind e nentëdhjetë milion e shtatëdhjetë mijë e pesëqind e tridhjetë leke).

Referuar Pasqyres të ardhurave dhe të shpenzimeve rezulton se të ardhurat i mbulojnë shpenzimet për çdo vit.

PS. Në pasqyrën e të ardhurave janë pasqyruar vetëm të ardhurat nga punësimi të kaluara me hankë. Pagesat e tjera nga punësimi me cek, cash...etj nuk janë pasqyruar.

Shpenzimet për buxhetin e familjes janë referuar faqes zyrtare të INSTAT <http://ëëë.instat.gov.al>

Referuar Aktit të kontrollit të plotë të Deklaratës së Pasurisë dhe Interesave Private, e kandidatit për pozicione të ndryshme në institucionet e sistemit të drejtësisë, për Gjyqtar në Gjykatën Kushtetuese. (e cila ndodhet në dosje) citohet:

Fq. 37 Të ardhura të kandidatit dhe h/shortes nga paga, honorare, konsulenca etj. për periudhën 2000-2022, rezultojnë në total 60.089.811,-leke + 434.406,-euro + 169.477,-usd, e konvertuar rreth 132.300.000,-leke.

Fq. 40 Referuar dokumentacionit të paraqitur, rezulton se prinderit e kandidatit, për periudhën 1996-2020 kanë përfunduar të ardhura nga shitja e pasurive të paluajtshme në shumen 182.224.458,-leke + 164.400,-euro.

Sqarim: Të ardhurat e deklaruara nga shitja e pronave rakordojnë me të deklaruarat nga kandidati, të konfirmuara nga ILDKPKI me ato që kam pasqyruar në këtë akt ekspertimi.

Të ardhura të kandidatit dhe h/shortes nga paga, honorare, konsulenca etj. për periudhën 2000-2022, rezultojnë në total 60.089.811,-leke + 434.406,-euro + 169.477,-usd, e konvertuar rreth 132.300.000,-leke.

Të ardhura nga paga e Tedi Ibrahimit, djali i kandidatit, rezultojnë në shumen e konvertuar rreth 1.952.000,-leke.

Sqarim: Në pasqyrën e të ardhurave janë pasqyruar vetëm të ardhurat nga punësimi të kaluara me bankë. Pagesat e tjera nga punësimi me cek, cash...etj nuk janë pasqyruar. Si rezultat të ardhurat nga punësimi që ka konfirmuar ILDKPKI janë me të medha se ato që kam pasqyruar në këtë raport.

..... Referuar shkresës nr. 27541/1 prot, dt. 05.10.2022 të DRT, nuk mund t'i përgjigjem pyetjes së dytë. Pasi Institucioni përgjegjës për vjeljen dhe menaxhimin e të ardhurave nuk ka asnjë informacion. (U kontrollua dhe jashtë sistemit informatik, në tabele Excel të hedhur kishte numer të madh të pagesave të tatimit në burim të cilat nuk identifikoheshin kuji i perkisnin, por ishin hedhur vetëm si vlera pagesash).

Në dosje nuk ka asnjë njoftim vleresimi nga Drejtoria Rajonale Tatimeve për mospagim detyrimesh për kandidatit.

#### **Kësbilli i Emërimeve në Drejtësi 2022**

Adresa Postare : GJYKATA E LARTË, Rruga Ibrahim Rugova, Ndërtesa nr. 20, Kodi Postar 1001, Tiranë, Shqipëri

Adresa Elektronike : [info@ked.gov.al](mailto:info@ked.gov.al) Numra telefonikë : +355 4 2257302



*Te ardhurat e pasqyruara ne tabelen permbledhese (te ardhurat nga punesimi) jane te ardhura te nxjerra nga llogarite bankare te kandidatit. Jane te ardhura te perfituara ne rruge ligjore, pra te ardhura qe rrjedhin nga detyrimet kontraktore, te kaluara ne rruge ligjore (nëpërmjet llogarise).*

48. Në zbatim të nenit 229 pika 2 dhe 235 të ligjit nr. 115/2016 dhe të pikave 26, 66, 67 dhe 68 të vendimit nr. 4 datë 11.03.2019 “Për procedurën e verifikimit të kandidatëve për pozicionet vakante në Gjykatën Kushtetuese dhe të Inspektorit të Lartë të Drejtësisë”, në datën 23.05.2022, është njoftuar kandidati Genti Ibrahimimi mbi të drejtën e tij për të paraqitur, me shkrim, brenda 5 ditësh nga njoftimi, drejtpërdrejt pranë zyrës së posaçme të Këshillit në Gjykatën e Lartë ose në rrugë elektronike, qëndrimin dhe shpjegimet përkatëse lidhur me këtë gjetje të procedurës së verifikimit, si edhe dokumentacion mbështetës të nevojshëm sipas vlerësimit të tij.

49. Gjithashtu, në funksion të ushtrimit të kompetencave të tij për verifikimin e plotësimin të kushteve dhe kriterëve ligjore të kandidimit, për sa i përket kontrollit të pasurisë, në zbatim të pikës 4 të nenit 229 dhe 235 të ligjit nr. 115/2016, të shkronjës “e” të pikës 20, 24, shkronjës “b” të pikës 60 të Vendimit të Këshillit të Emërimeve në Drejtësi nr. 4 datë 11.03.2019 “Për procedurën e verifikimit të kandidatëve për pozicionet vakante në Gjykatën Kushtetuese dhe të Inspektorit të Lartë të Drejtësisë”, edhe ky Këshill ka kryer veprimet verifikuese të kërkitimit nga subjekte publike dhe private, të të dhënave mbi pasuritë, interesat private dhe detyrimet financiare që ekzistojnë në emër dhe për llogaritë të kandidatit Genti Ibrahimimi. Konkretisht, KED në datat 09.03.2022, 30.03.2022, 31.05.2022, 07.06.2022 dhe datë 29.06.2022 i është drejtuar me kërkesa për informacion dhe ka marrë përgjigjet përkatëse me të dhënat e kërkuara nga secili prej institucioneve publike dhe subjekteve private (të cilat janë administruar në dosjen e kandidimit), si vijon:

- a) Institucioneve bankare: (1) Banka Alpha Albania, (2) Banka Amerikane e Investimeve, (3) Banka Credins, (4) Banka e Bashkuar e Shqipërisë, (5) Banka e Parë e Investimeve, (6) Banka Intesa Sanpaolo, (7) Banka Kombëtare Tregtare, (8) Banka Procredit, (9) Banka Raiffeisen, (10) Banka OTP, (11) Banka Tirana dhe (12) Banka Union.
- b) Institucione financiare të licencuara nga Banka e Shqipërisë : (1) Ak-Invest, (2) Albania Leasing, (3) Capital Invest, (4) Easypay sh.p.k, (5) Final sh.p.k, (6) Fondi Besa, (7) Iutecredit Albania, (8) Landeslease, (9) M – Pay sh.p.k, (10) NOA sha, (11) Porsche Leasing, (12) Posta Shqiptare, (13) Raiffeisen Leasing, (14) Tirana Factoring & Lease, (15) Tranzit sha, (16) Union Financiar Tiranë, (17) Agrokredit sh.a..
- c) Subjekte financiare të licencuar nga AMF : (1) Fondi i Pensionit Vullnetar Credins Pension, (2) Fondi i Investimit Credins Premium, (3) Fondi i Investimit Raiffeisen Invest Euro, (4) Fondi i Investimit Raiffeisen Prestigj, (5) Fondi i Investimit Raiffeisen Vision, (6) Fondi i Investimit EVP Top Invest, (7) Fondi i Pensionit Vullnetar Raiffeisen, (8) Fondi i Pensionit Vullnetar Sigal, (9) ABI INVEST, (10) ALBSIG INVEST, (11).
- ç) Institucione të tjera publike si : (1) Agjencia Shtetërore e Kadastrës, (2) DPSHTRR, (3) D.P.Tatimeve, (4) M. Drejtësisë, (5) OSHEE, (6) QKB, (7) UKT.

50. Në përgjigje të kërkesave për informacion, institucionet publike dhe subjektet private të listuara më sipër, (përveç Banka Ndërkombëtare Tregtare dhe Banka e Kreditit të

#### ***Kësbilli i Emërimeve në Drejtësi 2022***

Adresa Postare : GJYKATA E LARTË, Rruga Ibrahim Rugova, Ndërtesa nr. 20, Kodi Postar 1001, Tiranë, Shqipëri.

Adresa Elektronike : [info@ked.gov.al](mailto:info@ked.gov.al) Numra telefonikë : +355 4 2257302

Shqipërisë<sup>1</sup>) kanë dërguar përgjigjet përkatëse ku përmbahen të gjitha të dhënat e kërkuara mbi pasuritë e kandidatëve, nëse kanë pasur të tilla për secilin prej tyre, përfshirë edhe kandidatin. Nga ana e ASHK-së në përgjigje të kërkesës së përsëritur për dërgim informacioni nr. 498 prot, datë 29.06.2022, kanë kthyer përgjigje ASHK-ë e mbetura, në datë 15.08.2022 (regjistruar në KED në datë 22.08.2022) ka kthyer përgjigje ASHK Drejtoria Vendore Vlorë (rezulton që kandidati nuk ka pasuri të regjistruar), në datë 24.08.2022 (regjistruar në KED në datë 26.08.2022) ka kthyer përgjigje ASHK Drejtoria Vendore Gjirokastër (rezulton që kandidati nuk ka pasuri të regjistruar) në datë 14.09.2022 (regjistruar në KED në datë 16.09.2022) ka kthyer përgjigje ASHK Drejtoria Vendore Tirana Jug, duke i bashkëlidhur dokumentacionin përkatës, në datë 20.09.2022 ASHK Drejtoria Vendore Gjirokastër, i ka përcjellë KED me shkresë njoftimin për kryerjen e pagesës lidhur me shërbimet kadastrale muaji gusht 2022. Nga përgjigjet e administruara rezulton se nuk ka informacione shtesë për pasuritë dhe interesat private dhe ato përputhen me ato të ILDKPKI-së. Nga momenti i marrjes së vendimit nr. 42, datë 14.10.2022 nga Këshilli i Emërimeve në Drejtësi për vakancën e Presidentit deri në përgatitjen e këtij relacioni, nuk kanë dalë fakte apo rrethana të reja.

51. Sa më sipër, në datën 31.10.2022 është përgatitur ky relacion që përshkruan procedurën e zhvilluar, që shoqërohet edhe nga projekt-akti për përfundimin e procedurës së kandidimit të kandidatit Genti Ibrahim i për vendin vakant në Gjykatën Kushtetuese, të shpallur nga Kuvendi i Republikës së Shqipërisë në datën 16.01.2022. Këto akte i paraqiten për shqyrtim dhe vendimmarrje mbledhjes së KED-së.

52. Gjithashtu, pas komunikimit me kryetarin e KED-së dhe caktimit të mbledhjes, kandidatit Genti Ibrahim i u njoftua në rrugë elektronike koha e zhvillimit të mbledhjes, duke i dërguar edhe kopje e këtij relacioni. Njoftimi i tij kryhet në zbatim të pikës 34 të vendimit nr. 4/2019 të KED-së, duke administruar një kopje të njoftimit në dosjen e kandidatit.

53. I njëjti njoftim, së bashku me dokumentacionin e përgatitur nga relatori mbi veprimet e kryera gjatë procedurës së verifikimit, si edhe materialet të çështjes, i dërgohen edhe Avokatit të Popullit. Kopje e këtij njoftimi administrohet gjithashtu në dosjen e kandidatit.

54. Koha e zhvillimit të mbledhjes, rendi i ditës dhe relacioni i përgatitur për kandidatin Genti Ibrahim i njoftohen edhe subjekteve, të cilët sipas ligjit ftohen të marrin pjesë në mbledhjen e KED-së. Edhe kopjet e këtyre njoftimeve administrohen në dosjen e kandidatit.

### **III. Vlerësimi i Këshillit të Emërimeve në Drejtësi**

55. Në pikën 4 dhe 5 të nenit 125 të Kushtetutës, parashikohet se:

*“4. Gjyqtarët e Gjykatës Kushtetuese duhet të kenë arsim të lartë juridik, të paktën 15 vjet përvojë pune si gjyqtarë, prokurorë, avokatë, profesorë ose lektorë të së drejtës, nëpunës të nivelit të lartë në administratën publike, me një veprimtari të spikatur në fushën e së drejtës kushtetuese, të drejtave të njeriut ose në sfera të tjera të së drejtës.*

*5. Gjyqtari nuk duhet të ketë mbajtur funksione politike në administratën publike ose pozicione drejtuese në një parti politike gjatë 10 vjetëve të fundit përpara kandidimit. Kriteret e tjera, si dhe procedura për emërimin dhe zgjedhjen e gjyqtarëve të Gjykatës Kushtetuese rregullohen me ligj.”*

<sup>1</sup> Banke, e cila është në proces likuidimi.

74. Në pikën 1 dhe 2 të nenit 7/a të Ligjit nr. 8577/2000 parashikohet se:

“1. Gjyqtari i Gjykatës Kushtuese mund të zgjidhet shtetasi shqiptar që përmbush këto kushte:

a) të ketë zotësi të plotë për të vepruar;

b) të ketë mbaruar arsimin e lartë juridik, Diplomë e Nivelit të Dytë;

c) të mos ketë ushtruar funksione politike në administratën publike dhe të mos ketë mbajtur pozicione drejtuese në parti politike gjatë 10 viteve të fundit nga data e kandidimit;

ç) të mos jetë në procedim penal dhe të mos jetë dënuar me burgim për kryerjen e një vepre penale;

d) të mos jetë larguar nga detyra për shkaqe disiplinore dhe të mos ketë masë disiplinore në fuqi;

dh) të ketë kaluar me sukses procesin e kontrollit dhe verifikimit të pasurisë së tij personale dhe të familjarëve të tij, sipas ligjit.

2. Kandidati që përmbush kushtet e parashikuara në pikën 1 të këtij neni, duhet të plotësojë edhe këto kritere:

a) të ketë përvojë pune jo më pak se 15 vjet si gjyqtar, prokuror, avokat, profesor ose lektor i së drejtës, jurist i nivelit të lartë në administratën publike;

b) të ketë një veprimtari të njohur në fushën e të drejtës kushtetuese, të drejtave të njeriut ose sfera të tjera të së drejtës;

c) të jetë vlerësuar për aftësitë profesionale dhe integritetin etik e moral.”.

56. Bazuar në të dhënat zyrtare të konfirmuara nga institucionet përkatëse, Këshilli konstaton se kandidati ka ushtruar funksionin e pedagogut efektiv pranë Fakultetit të Drejtësisë për 3 vjet e 6 muaj. Po kështu, kandidati ka qenë këshilltar ligjor në Kabinetin e Ministrit të Shtetit për Reformën Legjislative dhe Marrëdhëniet me Kuvendin pranë Këshillit të Ministrave, 1 vit, 4 muaj e 15 ditë; Drejtor i Kabinetit të Ministrit të Shtetit për Reformën Legjislative dhe Marrëdhëniet me Kuvendin pranë Këshillit të Ministrave 3 muaj, detyra të mbajtuara para 10 viteve nga data e kandidimit. Kandidati ka qene anëtar i Këshillit Kombëtar të Radio Televizionit (sot, Autoriteti i Mediave Audiovizive) gjithsej 6 vjet e tre muaj; pedagog i jashtëm në Shkollën e Magjistraturës, deri në marrjen e detyrës së anëtarit të Këshillit të Lartë të Prokurorisë, si dhe anëtar dhe njëkohësisht Kryetar i Këshillit të Lartë të Prokurorisë, gjithsej 3 (tre) vjet, 1 (një) muaj dhe 14 ditë, duke marrë në konsideratë datën e kandidimit.

57. Për shkak të specifikës që ka funksioni i mësimdhënies në Shkollën e Magjistraturës, Këshilli vlerëson të domosdoshme të theksojë se qenia pedagog i kësaj Shkolle përfshihet, së paku, brenda konceptit të “lektorit të së drejtës”, sipas parashikimit të nenit 125, pika 4 të Kushtetutës dhe nenit 7/a të ligjit nr. 8577/2000. Sipas nenit 59 të ligjit nr. 80/2015 “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”, në kategorinë “lektorë” përfshihen si “anëtarët e personelit akademik që mbajnë gradën shkencore “Doktor”, ashtu edhe ata që “kanë së paku tre vite eksperiencë në mësimdhënie para fitimit të kësaj grade dhe përmbushin kriteret e përcaktuara në statutin e institucionit të arsimit të lartë.” Referuar këtij formulimi ligjor, të gjithë pedagogët e Programit të Formimit Fillestar dhe të Formimit Vazhdues, që sipas ligjit 115/2016 dhe Rregullores së Brendshme, të miratuar nga Këshilli Drejtues, (Aneksi 11)<sup>2</sup>, janë pjesë e stafit

#### *Këshilli i Emërimeve në Drejtësi 2022*

Adresa Postare: GJYKATA E LARTË, Rruga Ibrahim Rugova, Ndërtesa nr. 20, Kodi Postar 1001, Tiranë, Shqipëri.

Adresa Elektronike : [info@ked.gov.al](mailto:info@ked.gov.al) Numra telefonikë : +355 4 2257302

pedagogjik, dhe për të cilët nuk kërkohet si kusht pasja e gradës shkencore “doktor”, përfshihen në kategorinë “lektor”. Në këtë kuadër evidentohet se kundrejt kushtit prej tri vjet mësimdhënie për të qenë lektor në arsimin e lartë, pedagogu i Shkollës së Magjistraturës, qoftë i jashtëm, qoftë i brendshëm duhet të ketë një eksperiencë 15- vjecare si jurist, si dhe eksperiencë mësimdhënëse universitare apo në Shkollën e Magjistraturës mbi 10 vjet<sup>3</sup>. Kjo do të thotë se përzgjedhja si pedagog i Shkollës së Magjistraturës bazohet në kritere që jo vetëm nuk barazohen me ato të një lektori të së drejtës në arsimin e lartë, por dukshëm i tejkalon ato nga pikëpamja cilësore.

58. Duke i marrë së bashku, funksionet e sipërpërmendura publike, si dhe vetëm qenien pedagog i jashtëm në Shkollën e Magjistraturës, Këshilli vlerëson se, kandidati plotëson kushtin e prej të paktën 15 vjet veprimtari profesionale, nga ato të parashikuara për lejimin e kandidimit nga pika 4 e nenit 125 të Kushtetutës dhe shkronja “a” e pikës 2 të nenit 7/a të ligjit nr. 8577/2000.

59. Për sa i përket kushtit të kandidimit të parashikuar nga pika 5 e nenit 125 të Kushtetutës dhe shkronja “c” e pikës 1 të nenit 7/a të ligjit nr. 8577/2000, pra që kandidati *të mos ketë ushtruar funksione politike në administratën publike gjatë 10 viteve të fundit nga data e kandidimit*, sikurse parashtrohet në më sipër në këtë vendim, si edhe nga jetëshkrimi dhe aktet e administruara në dosjen e kandidimit për veprimtaritë e tjera të ushtruara, Këshilli konstaton se kandidati Genti Ibrahimimi nuk ka ushtruar funksione politike në administratën publike (gjatë 10 viteve të fundit të kandidimit). Për rrjedhojë kandidati Genti Ibrahimimi nuk gjendet në kushtet e ndalimit të kandidimit sipas dispozitave të sipërcituara.

60. Lidhur me kushtin e kandidimit të parashikuar nga pika 5 e nenit 125 të Kushtetutës dhe shkronja “c” e pikës 1 të nenit 7/a të ligjit nr. 8577/2000, pra që kandidati *të mos ketë mbajtur pozicione drejtuese në parti politike gjatë 10 viteve të fundit nga data e kandidimit*, nga shqyrtimi i jetëshkrimit dhe të dhënave që rezultojnë nga aktet e administruara në dosjen e kandidimit, sikurse janë korrespondenca me partitë politike, Këshilli konstaton se kandidati Genti Ibrahimimi nuk ka mbajtur pozicione drejtuese në parti politike (gjatë 10 viteve të fundit nga data e kandidimit). Për rrjedhojë Genti Ibrahimimi nuk gjendet në kushtet e ndalimit të kandidimit sipas dispozitave të sipërcituara.

61. Në shkronjën “d” të pikës 1 të nenit 7/a të ligjit nr. 8577/2000, si kusht kandidimi përcaktohet që kandidati *të mos jetë larguar nga detyra për shkaqe disiplinore dhe të mos ketë masë disiplinore në fuqi*. Nga dokumentacioni i shqyrtuar, përfshirë jetëshkrimin, librezën e punës, shkresa e vërtetime të lëshuara nga organet kompetente të emërtesës etj., që janë të administruara në dosjen e kandidimit, Këshilli konstaton se kandidati nuk rezulton të jetë larguar nga detyra për shkaqe disiplinore. Po kështu, nuk rezulton që kandidati të ketë

<sup>2</sup> Aneksi 11 i Rregullores së Brendshme të Shkollës së Magjistraturës në pikën 3.1 Emërtesa e stafit pedagogjik që aktivizohet në Shkollën e Magjistraturës, parashikon:

“Stafi pedagogjik i Shkollës përbëhet nga pedagogët e brendshëm dhe të jashtëm në Formimin Fillestar dhe trajnerët/ekspertët në Formimin Vazhdues, të specifikuar si më poshtë:

- a) **Pedagogët e brendshëm**, të cilët janë të përfshirë në veprimtarinë e Formimit Fillestar, të Formimit Vazhdues dhe në veprimtaritë shkencore, studimore dhe botuese të Shkollës;
- b) **Pedagogët e jashtëm të Formimit Fillestar**, të cilët përfshihen si pjesë e grupeve të lëndëve dhe kurseve, duke mbuluar një numër të konsiderueshëm orësh, duke filluar të paktën nga 8 orë në një ose disa kurse...”;

<sup>3</sup> Aneksi 11, pika 3.2 e Rregullores së Brendshme të Shkollës së Magjistraturës

### *Këshilli i Emërimeve në Drejtësi 2022*

Adresa Postare: GJYKATA ELARTË, Rruga Ibrahim Rugova, Ndërtesa nr. 20, Kodi Postar 1001, Tiranë, Shqipëri.

Adresa Elektronike: [info@ked.gov.al](mailto:info@ked.gov.al) Numra telefonikë: +355 4 2257302

masa disiplinore në fuqi. Për rrjedhojë nuk gjendet në kushtet e ndalimit të kandidimit sipas kësaj dispozite.

62. Lidhur me kushtin e kandidimit mbi kalimin me sukses të kontrollit të pasurisë, sikurse evidentohet më lart, Këshilli vlerëson se duhet paraprkishtë, të shpjegojë konceptin e “burimeve të ligjshme të të ardhurave” sipas legjislacionit tatimor, i zbatueshëm në kontekstin konkret.

63. Kështu, Këshilli çmon se për të përcaktuar se cilat do të konsiderohen burime të ligjshme të të ardhurave duhet t'i referohemi ligjit nr.8438, datë 28.12.1998 “Për tatimin mbi të ardhurat” i ndryshuar, në nenin 4 të tij, “Burimi i të ardhurave”, ku parashikohet se: “Të ardhurat nga një burim në Republikën e Shqipërisë pa u kufizuar vetëm në to do të përfshijnë: a) të ardhurat nga marrëdhënia e punës të ushtruar në Republikën e Shqipërisë”; b) të ardhurat nga veprimtari kulturore apo sportive, si dhe nga veprimtari të tjera, personale në Republikën e Shqipërisë; c) të ardhurat nga veprimtaria e zhvilluar nga një person jorezident, nëpërmjet një personi me seli të përhershme në Republikën e Shqipërisë; d) të ardhurat nga kalimi i së drejtës së pronësisë mbi sendet e paluajtshme, që i përfiton një person me seli të përhershme në Republikën e Shqipërisë; dh) të ardhurat nga: i) pasuria e paluajtshme, aksesorët dhe frytet e tyre, si dhe të ardhurat që rrjedhin nga të drejtat mbi pasuritë e paluajtshme që ndodhen në Republikën e Shqipërisë; ii) të drejtat për shfrytëzimin e pasurive minerale, të drejtat për shfrytëzimin e pasurive hidrokarbure ose të drejta të tjera për shfrytëzimin e burimeve natyrore tokësore dhe ujore, përfshirë detin në Republikën e Shqipërisë, si dhe informacionit që u përket këtyre të drejtave; Të drejtat dhe informacioni i përmendur në nënndarjet “i” dhe “ii”, më sipër, për qëllime të këtij ligji, trajtohen si pasuri e paluajtshme. e) të ardhurat nga tjetërsimi i: i) pasurisë, të drejtave dhe informacionit të përmendur në shkronjën “dh” të këtij neni; ii) aksioneve ose interesave të ngjashëm, të tillë si interesat në ortakëri ose truste, sipas përkufizimeve në legjislacionet përkatëse, kudo që ndodhen, në qoftë se, në çdo kohë gjatë 365 ditëve para tjetërsimit, këtyre aksioneve ose interesave të ngjashëm u buron më shumë se 50 për qind e vlerës direkt ose indirekt nga pasuria e paluajtshme, të drejtat ose informacioni, të 5 përmendura në shkronjën “dh” të këtij neni. ë) të ardhurat nga dividendët e shpërndarë nga një person juridik, rezident; f) të ardhurat nga pjesët e fitimit, të paguar nga një ortakëri rezidente; g) të ardhurat nga interesat e paguar nga organet e qeverisjes qendrore apo vendore ose nga një rezident i Republikës së Shqipërisë, ose që paguhet nga një jorezident, nëpërmjet një personi që ka seli të përhershme në Republikën e Shqipërisë; gj) të ardhurat nga e drejta e autorit dhe pronësia intelektuale, qiraja dhe enfiteoza si dhe të ardhurat nga lojërat e fatit; h) të ardhurat e një personi joresident, të përfuara si rezultat i shërbimeve të kryera për një person resident. i) të ardhura të tjera që nuk identifikohen në format e paraqitura në këtë nen.

66. Nisur nga parashikimet e kësaj dispozite, sipas Këshillit, listimi me ligj i burimeve të krijimit të të ardhurës, dhe përcaktimi i tyre, krijon të ardhurat e ligjshme. Për rrjedhojë të ardhurën e ligjëron burimi i saj dhe jo pagimi i tatimeve, ashtu sikundër dhe pagimi i tatimeve nuk e bën të ardhurën të ligjshme, ajo vazhdon të mbetet e paligjshme nëse nuk provohet burimi i ligjshëm i saj. Për rrjedhojë, një e ardhur nuk klasifikohet nga legjislacioni financiar dhe tatimor si e paligjshme nëse mbi të nuk janë paguar detyrime tatimore.

67. Nga ana tjetër ligji nr.9920, datë 19.05.2008 “Për procedurat tatimore në Republikën e Shqipërisë”, i ndryshuar, në nenin 89, parashikon detyrimin e subjekteve tatimore për pagesë tatimesh kur administrata e njofton se nuk ka paguar në mënyrë të plotë dhe në datën e

#### *Këshilli i Emërimeve në Drejtësi 2022*

Adresa Postare: GJYKATA E LARTË, Rruga Ibrahim Rugova, Ndërtesa nr. 20, Kodi Postar 1001, Tiranë, Shqipëri.

Adresa Elektronike : [info@ked.gov.al](mailto:info@ked.gov.al) Numra telefonikë : +355 4 2257302

caktuar detyrimet tatimore. Edhe vetë subjekti tatimpagues, mund të kërkojë kontrollin tatimor dhe pagimin e detyrimeve tatimore edhe në kohë të mëvoshme, duke u aplikuar në këto raste dhe sanksionet perkatëse administrative. (neni 6, pika 3, neni 69, dhe 76 të ligjit).

68. Në kuptim të sa me lart, kandidati Ibrahim ka provuar se të ardhurat e tij dhe të personave të lidhur burojnë si nga trashëgimia, ashtu dhe nga marrëdhëniet e punësimit, dhe si të tilla ato konsiderohen të ligjshme. Megjithatë, konkretisht, në Aktin e kontrollit, ILDKP, ndërmjet të tjerash, ka konkluduar: *Ka mungesë dokumentacioni justifikues ligjor lidhur me pagesat e detyrimeve tatimore mbi të ardhurat, që kanë shërbyer si burim i pjesshëm për krijimin e pasurive. (prg.43)*. Nisur veçanërisht nga kjo gjetje, Këshilli ka hetuar në mënyrë të thelluar, duke iu ridrejtuar organeve tatimore, ILDKPI, si dhe vetë kandidatit. Pasi nuk u arrit në konkluzion as pas këtyre veprimeve dhe marrjes së informacioneve perkatëse sa më lart shtjelluar, KED vendosi marrjen e mendimit të ekspertit kontabël mbi disa çështje të kontrollit të pasurisë.

69. Në Aktin e Ekspertimit, bazuar edhe në informacionin e dhënë nga organet tatimore ekspertës kontabël, në mënyrë të përmbledhur sqarohet se: *„Referuar pasqyrës së të ardhurave dhe shpenzimeve, kandidati i mbulon shpenzimet për cdo vit, (fq.84), pagesat i ka të gjitha me rrugë bankare, të krijuara nga marrëdhëniet kontraktore (fq.88). Sa i përket mungesës së dokumentacionit justifikues për pagesën e tatimeve, është e pamundur të përcaktohet nëse kandidati ka tatime në burim të papaguara, pasi deklarimi për tatimin e mbajtur në burim në sistemin informatik pranë organeve përgjegjëse tatimore ka filluar në dhjetor 2014, ndërsa për periudhat e mëparshme pagesat e tatimit në burim janë jashtë sistemit informatik . Megjithatë, në regjistrin e pagesave jashtë sistemit informatik nga viti 2008 deri në Nentor 2014, u kontrollua dhe kishte hedhje pagesash tatimi në burim, por që nuk identifikoheshin kujt i përkisnin...”*.

70. Për sa më lart, Këshilli konstaton se nga njëra anë, ILDKPI ka evidentuar mungesën e dokumentacionit justifikues për pagimin e tatimeve për një pjesë të të ardhurave, ndërsa nga ana tjetër ekspertja kontabël ka konkluduar pamundësinë objektive të gjetjes së këtij dokumentacioni para muajit Dhjetor të vitit 2014. Në këto kushte, Këshilli vlerëson se bazuar mbi parimin e proporcionalitetit, barra për pamundësinë objektive të gjetjes së dokumentacionit justifikues nuk duhet të rëndojë vetëm mbi kandidatin. Si konkluzion, për shkak se kandidati ka arritur të paraqesë dokumente mbështetëse dhe provuese për natyrën e ligjshme të të ardhurave të tij, dhe se mosgjetja e dokumentacionit provues mbi pagimin e tatimeve për një pjesë të të ardhurave nuk duhet të jetë detyrim vetëm i kandidatit, nisur sidomos nga koha e largët, kur disa nga të ardhurat janë krijuar dhe për të cilat nuk ka dokumentacion tatimor, por edhe detyrim i institucioneve tatimore përgjegjëse për administrimin e informacionit, vlerëson kalimin me sukses të kontrollit të pasurisë. Sa i përket gjetjeve të tjera të konkluduara në Aktin e kontrollit të ILDKPI, Këshilli pasi i analizoi, së bashku me prapësimet e kandidatit, vlerëson se ato nuk janë të natyrës penalizuese në lidhje me përcaktimin e lejimit ose ndalimit të kandidatit, pra ato nuk kanë qenë përcaktuese për rezultatin e këtij procesi.

Ky konkluzion vjen në përputhje dhe me parashikimin e bërë në Vendimin Nr.4/2019 të KED në pikën 77 të tij në të cilën është përcaktuar se:

*Ndalimi i kandidimit vendoset në rastet kur ka të dhëna nga burime të ligjshme se kandidati:  
a) ka mungesë të burimeve financiare të ligjshme për të justifikuar pasuritë;*

#### **Këshilli i Emërimeve në Drejtësi 2022**

Adresa Postare: GJYKATA E LARTË, Rruga Ibrahim Rugova, Ndërtesa nr. 20, Kodi Postar 1001, Tiranë, Shqipëri  
Adresa Elektronike : [info@ked.gov.al](mailto:info@ked.gov.al) Numra telefonikë : +355 4 2257302

- b) ka fshehur pasurinë dhe të dhënat mbi interesat private, që janë të detyrueshme të deklarohen;
- c) ka kryer deklaram të rremë;
- ç) gjendet në situatën e konfliktit të interesit

71. Nisur nga sa analizohet dhe arsyetohet më sipër, bazuar në gjetjet dhe të dhënat e konstatuara gjatë procedurës së verifikimit që rezultojnë nga aktet dhe dokumentacionin që përmban dosja e kandidimit, në interpretim dhe zbatim të ligjit të zbatueshëm për kushtet dhe kriteret e kandidimit për gjyqtar në Gjykatën Kushtetuese, Këshilli i Emërimeve në Drejtësi vjen në përfundimin se duhet të vendoset lejimi i kandidimit të kandidatit Genti Ibrahim, në vendin vakant për gjyqtar në Gjykatën Kushtetuese të shpallur nga Kuvendi i Shqipërisë në datën 16.01.2022.

### **PËR KËTO ARSYE:**

Në mbështetje të pikës 1 të nenit 149/d të Kushtetutës, të 7/b të ligjit nr. 8577/2000 "Për organizimin dhe funksionimin e Gjykatës Kushtetuese të Republikës së Shqipërisë", të pikës 3 të nenit 229 të Ligjit nr. 115/2016 "Për organet e qeverisjes së sistemit të drejtësisë", të Vendimit të Këshillit të Emërimeve në Drejtësi nr. 4, datë 11.03.2019 "Për procedurën e verifikimit të kandidatëve për pozicionet vakante në Gjykatën Kushtetuese dhe të Inspektorit të Lartë të Drejtësisë",

### **VENDOSI:**

1. Lejimin e kandidatit Genti Ibrahim, në vendin vakant për gjyqtar në Gjykatën Kushtetuese, shpallur nga Kuvendi i Republikës në datën 16.01.2022.
2. Në zbatim të nenit 238 të ligjit nr. 115/2016, ky vendim i njoftohet kandidatit Genti Ibrahim.
3. Ky vendim publikohet në faqen zyrtare të Gjykatës së Lartë, në pjesën e përcaktuar për Këshillin e Emërimeve në Drejtësi.

### **ZËVENDESKRYETARE**

Marsida XHAFERLLARI



*Këshilli i Emërimeve në Drejtësi 2022*

Adresa Postare: GJYKATA E LARTË, Rruga Ibrahim Rugova, Ndërtesa nr. 20, Kodi Postar 1001, Tiranë, Shqipëri  
Adresa Elektronike : info@ked.gov.al Numra telefonikë : +355 4 2257302